

開卷第一章可特筆記載之重要事實也。

其時日本爲光格天皇御宇時代。幕府家齊將軍。年齒尙幼。其實權在其保護人松平定信。松平氏乃賢明卓越之大政治家也。自海疆多事。頗注意於世界大勢。且知西洋諸國文化優於日本。悟日本所處地位之不利。慨國人之疎於海外情事。遂改變政策。弛讀和蘭書籍之禁。又從而獎勵之。蓋當時日本久以寬永之鎖國令。停止海外貿易。止許和蘭中國兩國船舶可以往來。嚴禁讀洋書。不但杜絕彼此之交通。且杜絕其思想也。

日本自是人才輩出。如提倡國防之林子平。測量專家伊能忠敬。探檢家近藤重藏。間宮林藏。及有經世眼光之實學家佐藤信淵等。相踵而生。凡此皆強烈之愛國志士也。日本國民未嘗無愛國心。惟必俟受外來勢力之壓迫而始發生。此與風水相激而生。



夫諾紹薩臣大務外國俄

浪。金石相摩而生火。同一理也。當時日本國民。於閉關自守政策之下。長貪泰平之情。苟自身不受何等之刺激。全無可以惹起愛國心之動機。然一經北邊多事。海警頻至。及力石那夫之來航。遂迎之以有遠識之政治家之手腕。於是日本國民長夜之夢。乃蘧蘧而醒覺。

國境之內。愛國志士奔走呼號。現慷慨激昂之象。夫國難當前。則思集合羣力。思集合羣力。則望統一國家。此自然之順序也。未有國家分裂而能防外敵者。於是儒學大興。以促進國家統一爲宗旨之經世濟民之議論盛行。先是日本人士中。早有提倡尊重大義名分以求國家統一之說者。但周圍空氣。異常平靜。國民一般之感情。未受振盪。故無由激起風雲。今則忽見外來勢力之壓迫。國內人士咸知不可不謀國家之統一。勤王之輩出。如蒲生君平及高山彥九郎皆是。可知破日本。

國民惰眠之第一警鐘。實來自俄國方面者也。

當時日本之得知海外情事。皆假道於和蘭。故俄國之情形。除從和蘭探得外。更無他道。日本特許和蘭商會。在長崎之出島貿易。該商會乃深感之。對於日本幕府。極盡忠誠。海外之事。無論巨細。時時

由船長報告於長崎奉行（地方行政官官名）時有某國。以和蘭媚日

本。得獨享互市之利而妬之。和蘭船長之報告書中。從無不利於俄國之記載。蓋俄和兩國。素有親密關係。大彼得曾親至和蘭。學其造船術。况小國依賴大國。尤屬事理之常。和蘭以

英為敵。恆依依以排英。常向日本陳說英國之可厭。俄國之可愛。故俄國亦從和蘭方面。略知日本國情。力石那夫之至日本。其報告中。措詞極合日本人之感情。如「俄國重義之國也。力石那夫之來。亦將植信於貴國



日本外務大臣石井子爵

也。日本幕府。因此極重視之。將軍閣僚等。對於力石那夫之要求。曾反覆討論。卒以牴觸寬永之鎖國令。以為不可改變祖宗之成法。決計拒絕其要求。而幕府內有倡議宜給與食糧及薪水者。力石那夫亦頻陳說大

彼得之人格。以動日人之心。然終不得酬其素願。航海而歸。傳聞途次憤死於克拉斯娜約斯克。Krasnaya Arkhangel'sk 石力那夫究竟憤死病死。未能知其真相。或者其坐艦旋泊於長崎一年之久。日人從未許其登岸。自然營養不良。五內不調。以致客死長途。未可知也。

俄人懷復讎之心至切。日本文化三年九月。俄艦襲擊樺太（薩哈連）四年。來侵擇捉（地名）國後（地名）八年五月。上陸劫奪財物。幸日本早為之備。俄人不得大逞所欲。國後之成吏奈佐政辰。誘捕俄艦長哥老文等七人。而囚之於松前（地名）俄副艦長

黎哥爾得逃去。翌年八月。黎哥爾得率軍艦二艘至松前。索還哥老文等。日本戍吏不允。是時高田屋嘉兵衛（人名）適由擇捉航海歸松前。高田屋嘉兵衛等四人為俄人所捕。於九月十九日。押往堪察加。高田屋向俄副艦長聲言曰。因俄艦劫掠北海道諸島。故有拘捕哥老文等之事。果欲為彼等謀善策。希望釋放。可盡還俄艦所劫之物。以為交換。余願出力代為斡旋。俄國遂於日本文化十年九月二十五日。還日本財物。哥老文等得歸俄國。哥老文歸俄國後。對於俄國政府之報告。未有仇恨日本之詞句。反多稱道之語。因當時掌日本北門之鎖鑰者為松前藩。直接監視俄艦長者。亦松前藩。松前藩奉幕府之命令。寬待俄艦長等。哥老文乃得從容研究日本之國情。非常贊歎日本之封建制度及武士之氣象。是時警告本國政府云。他日外國文明輸入日本。日本必成強國。不可侮也。



自日本開港以後。和蘭在日本之勢力大減。出島和蘭商會代表人至奉行所（衙署）報告之舉。早已停止。自是專恃英國之報告。當是時。英國與俄國大起衝突。有克利米之戰爭。英俄兩國之人民。方相見於礮火之中。故英國所報告於日本者。全為俄國之劣點。無俄國之美點。且極言俄國之可怖。日本與歐洲諸國絕交既久。

駐俄使大野一野郎
 斷之能力。無由明辨其報告之正否。誤解由是而多。俄國自亞歷山大第一、尼哥拉斯第一、亞歷山大第二、亞歷山大第三。以至今皇尼哥拉斯第

二。凡閱五代。日本自光格天皇。經仁孝、孝明、明治。以至今皇大正。亦閱五代。在此約百年中。日俄兩國之關係。屢起風潮。互相猜疑。此百年中之事迹。茲不細述。然則日俄兩國間之交涉。果從何而起乎。是不待言。即因誤解多而缺理解也。其後屢次互相接觸。始由誤解發生。

理解。乃恍然大悟。知並無可使日俄兩國互相衝突之原因。同時明瞭兩國利害如唇齒之相依。發見斯拉扶之民族性與日本民族性有酷相類似之處。非但絕無相反撥之主因。且極富於相親之要素。兩國國民相待之心甚殷。遂結今日可喜之交誼。

今日者。德國出現蓋世之大野心家。大侵略家。威廉第二。演成全歐大戰爭。英法俄三國聯合爲一。以禦德國。日本亦加入聯合國。以防公共之敵。既掃蕩德國在東方之根據地膠州灣。於是日俄兩國元首一志同意。布其腹心。訂結希望遠東平和之協約。蓋兩國元首共愛平和。尊重仁義。而又互知其衷曲。當然有此結果。決非出於偶然。現在一方面有日英同盟及日法協約。一方面有日俄協約。日本與美國。雖無成文之同盟協約。然於事實上。日美兩國。可確信其必爲共同之動作。故自今以後。已置設保障東洋平和




新任駐日俄使克路班史基

之一大磐石。永不許有野心家侵略家出現於東洋。固不待言。同時更有英法俄三國協約。則日英法俄四國得互相維繫。成一大連鎖。在此連鎖鞏固連結之期內。必不使再有侵略家崛起於世界。今日之情形。與拿破崙失敗後之神聖同盟殆相髣髴。皆以保障平和爲目的者也。將來無論何等野心家出現。在此一大連鎖存在期內。必不難羣起而擊退之。遠東方面而有如此之擾亂平和者。亦必易於鎮壓。吾人從日本外交史上。世界平和基礎上觀之。而不勝其喜悅。如能以此同盟爲基礎。不僅以政治上結成一大連鎖爲已足。更於經濟上及全世界之文化上。結成一大連鎖。則尤吾人所祝禱者也。

遊美京華盛頓記


徐廣德

賓雪佛街爲華盛頓全市之中心點。東接喀畢德兒魚。貫而西。度支部外交部海陸軍部暨總統府各府第均在焉。余先步遊賓雪佛街。繼乘遊覽汽車。環行全市一週。遊覽汽車公司。美國各大城市中均有之。專備遊客之用。獲利甚豐。車中雇有熟悉全城情景者。到處演講。或古跡。或名勝。或顯宦住址。或政務公庭。皆剖析詳明。娓娓動聽。在遊覽車中。最足令余感觸者。莫若街道之清潔一事。其構造之精巧。修理之整潔。砥平矢直。塵沙不揚。實爲見所未見。當



車經總統府第時。美總統適自外歸來。身坐車中。吾車中人對之均脫帽致敬。彼亦脫帽答禮。下午道經南北戰爭中之大將斯喀脫銅像處。銅像威風凜凜。氣蓋一世。週圍環以電燈及噴水管。石人石馬參差林立。余就坐其旁兩小時。既而便道就華盛頓記功塔近旁散步。地離塵市。風景清幽。心胸爲之一爽。翌晨參觀外交部暨海陸軍府第。三部同在一座高屋中。屋共四層。長約五百六十五尺。闊約三百四十二尺。列室共五百間。走廊之由大利石築成者。長約兩英里。外交

部居其南。陸軍部居其西。海軍部居其東。由司事人導引。首至第二層樓。其走廊週圍均設有方玻璃匣。匣內陳設各種海陸軍服式。暨南北戰爭（千八百六十一至五年）墨美戰爭（千八百四十六至八年）西班牙之役時旗幟兵器等。以誌紀念。折而南。外交總長休息室在焉。更南爲外交總長接見各國使員室。此室內懸有華盛頓暨最著名之他美總統數像。轉而至三層樓南首。外交部藏書庫在焉。庫內除藏有法政書籍五萬冊外。最足爲彼美人所視爲寶藏者。則千七百七十六年之美利堅獨立宣告書也。此書原稿由美國第三任總統健弗遜氏手筆繕成。置諸玻璃匣。在室之右旁。餘若



千七百八十七年之憲法大綱。推舉華盛頓爲起義大元帥選舉狀原稿等。均藏諸室內之保險箱中。其走廊內。陳列美國各式兵艦之模型。大小共數十艘。海軍部藏書室。在第四層樓上。以其中多秘密要件。未克就觀。

午後走謁華盛頓記功塔。塔在賓雪佛第十四街。高五十五丈五尺。週圍成一方形。深入雲霄。凡遊客之往華盛頓者。車離城二十餘里時。已見此塔巍然直峙雲際。塔頂返照日光時。全城各處。皆得瞻其光采。而其品色一日數變。非天朗氣清時。則真面目不易得也。塔基週圍。每面闊共五十五尺。向上次第縮小。至頂上則每面

闊僅三十四尺矣。塔之全部均以細沙石砌成之。內部可分四十八層。每層各設電燈。余與同游者乘升降機直達其巔。約費時十二分鐘。其最高一層設有小窗兩扇。探首外望。全城遠近數十里。歷歷在目。令人愴然作塵外想。該塔初建時。美政府徵石於萬國。將各國所贈之石。築於塔之下層。余因欲觀各國所贈之石。步行而下。其中刻成我國文字者。計有兩具。一由福建某某等教士具名。讚揚華盛頓功德。一則草書兩行。字跡糊塗。不易辨認。考此塔建築史。倡議於千七百八十三年。經議院屢次提議。至千八百三十三年。建築華盛頓記功塔會所成立。始克從事建築。然因款項告罄。中輟數次。直至千八百八十五年二月。大工始克告竣。共費美金一百三十萬圓云。


翌晨參觀中央博物院。院分新舊兩處。余所參觀者爲新院。屋共四層。其結構之精巧。陳設之華麗。舍紐約博物院外。全美莫能及也。各層所藏物品。不下數萬計。類

別可分五日。曰地質部。曰動物部。曰植物部。曰人種部。曰古董部。

翌晨往游喀別德兒。Capital 喀別德兒者。意卽元首。乃指中央政府之最大辦事室。蓋謂此地爲一國元首所在也。屋分三座。中央爲美國最高審判廳。南爲上議院。北爲下議院。其後復有一座。爲藏書室。合名爲喀別德兒。上議院左旁。有所謂總統室者。建築頗形精緻。此室落成於總統林肯就任時。時蓋一八六〇年也。總統之來坐此室者。林肯爲第一人。美制總統除就任日讀誓詞。與夫每歲年終宣讀政府報告書外。不輕往喀別德兒。且卽前往。而與法庭議院。亦鮮通音問。蓋美國政體。自來嚴守孟德斯鳩三權分立主義。立法司法行政三部。絕少聯絡故也。然自民主黨首領威爾遜氏就任後。旬日內卽出席議院。提出所謂關稅修正案件。當時國內各報。均評論其事。咸謂除戰爭時代。總統得出席於議院。指論時局外。他實未有其例。蓋總統之不得出

席於議院。在美國已視等不成文憲法。威氏此舉。宜為者。政府以華氏功在國家。當保存其遺產以勵後進。出彼國人所震駭也。顧威氏則謂立法行政。不相為謀。事實上必生阻礙。嘗著書痛詆美人墨守三權分立之弊。故就任後不數月。即因墨西哥內亂問題。親往議院發表政見。經議員全體贊同。一呈美國立法行政交通活潑之精神。昔日對之而震駭者。今轉而稱道之矣。

翌午驅車訪華盛頓故居。居名蒙脫佛郎。距華盛頓市約二十英里。四圍風景絕佳。氏初居是屋。從事農業。一七七六年。美人宣佈獨立。被舉為大元帥。迨革命功成。兩任總統後。即返故居。與其夫人優游終老。其後雖有謀將此屋出售。



華盛頓隱居時之居所別業

賞而收歸國。有修整而擴充之。今其地址。周圍約有八千畝。室共三層。室內陳列者。半屬華氏任大元帥及總統時之故物。房屋之修理。物件之保存。均由特派員專司之。屋旁有草園一所。園中花草。有為華氏退居時所手植者。屋右約二百步許。華氏暨其夫人之墓在焉。歸途經小鎮亞歷山大利亞。司車人告余。謂華氏後裔。今尚有留居於此鎮上者。


刊印紙券所。 Bureau of Engraving 曰農業部。 Agricultural Department 曰司邁司圖書館。 Smithsonian

Institute 日華盛頓郵政局。W.a.

shington General Post Office

刊印紙券所。專印國家公務證書
鈔票及國民銀行鈔票等。美國國
家暨國民銀行所發鈔票。共有五
種。(一)國家綠背紙券。每張定價
自十元至千元。(二)金圓兌換券。
每張自十圓至萬圓。(三)銀圓兌
換券。每張自一圓至百圓。(四)國
民銀行鈔票。每張自五圓至百圓。
(五)度支部兌換券。每張自一圓
至念圓。

農業部內。多化學試驗室。有各種
植物學專家。在內實驗各處地土
性質。屋外有一大試驗場。農人可
直接向部內詢問各項種植方法。



遇有蟲患。可向該部求助。

華 司邁斯圖書館。為司邁斯個人
私產。氏臨終時。遺囑將生平所
蒐集之書物。悉歸公有。氏為昔
日美國大資本家之一。性好古
物。購藏頗富。以故館內多名人
書畫古董等物。中國日本物品
之雜列其中者。為數亦夥。此館
現與華盛頓國家圖書館齊名。
華盛頓郵政局格式。與美國他
處各大市內所建設者相彷彿。
惟以京都所在。規模故為宏大。
下午參觀政府書籍印刷所。共
屋八層。凡屬政府種種文告。各
部種種記錄。與夫議院通過案
件。每日會議紀錄等件。均由此

所刊印發行。美制。凡屬國家事件。由政府印刷所刊印者。除書冊頁數過多。須收工本外。餘皆任人索閱。不取分文。

翌晚參觀華盛頓圖書館。館爲中央政府所設立。世界各種著名書籍。無一不備。屋共三層。周圍廣闊約數十丈。建築悉仿羅馬式。結構備極精緻。樓梯走廊等均以

大利石砌成之。屋內有窗千百餘扇。燈數千盞。華麗莊嚴。直令人對之震駭。中分讀書室。盲人讀書室。議員閱書室。閱報室等。第三層樓上藏有彫刻繪畫等種種美術。館中藏書共有百三十萬餘冊。管理人某君云。若將館內書架接作一長行。約爲四十四英里。其多可想見矣。



談奉省日本教育權之實施與其現狀

振鐸

日本經營南滿。奇技百出。而其用心最深。手段最巧者。則莫如設立學校一事。自日得滿洲路權後。先於金州。北。普蘭店車站。設立小學。名曰公學堂。專收華人子弟。繼於稍大之車站。附屬地。均行設立。初時我奉同胞。愛國熱潮方盛。不願入是校。願奉省教育。自辛亥革命以來。因經濟困難。無力整頓。以至日就蕭索。或解散。或裁併。或易官費爲半費。改半費爲自費。迄於今日。竟至不可收拾。遂至木朽蟲生。於是日人得以乘間起而代之。遍發招生之廣告。許以卒業後之獎勵。故貧寒子弟。乃相引而報名肄業。二三年來。入是等學校者。已達千人。循此以往。爲害方長。僅將所見所聞。獻諸吾國之注意。教育者。共討論之。

初高小學 (一) 長春公學堂 (二) 開原公學堂 (三) 遼陽公學堂 (四) 蓋平公學堂 (五) 熊岳公學堂 (六)

瓦房店公學堂 (七) 普蘭店公學堂 (八) 本溪公學堂 (九) 四平街公學堂 (十) 橋頭公學堂。每處約三十人至六十人。惟遼陽公學堂。則已達二百餘人之多。其修業年限。所授之科目。所用之課本。概按中國部定章程辦理。惟均有日語一門。高等二年修業以上者。則添日本尋常小學 (日本初高小學之通稱) 讀本之地理理科。但算術則均係日文教授。

中學 遼陽公學堂因辦理完善。學生頗多。遂於今春 (民國四年) 經該長官認可。更添設中學本科一班。預科一班。 (專習日語爲入本科之預備) 修業年限亦照中國部章。惟教科除國文修身二門。用中國書。由中人擔任外。餘悉爲日本中學國定教科書。由日人擔任。日語學校 鐵嶺撫順二處。各有百餘人。專爲中人習日語之處。一年卒業。由日人教授。

右列諸校。其規則大致相同。略舉如左。

費用 宿學費概不收受。每月僅納膳費洋二元五角。如距校稍遠而通火車之走讀生。則由學校發給二等車票。以便往復。距家較遠而在宿舍寄宿者。於放假或請假回家時。亦均給車票。校內夫役煤火電燈諸費。亦概由學堂負擔。

卒業後之獎勵 於卒業前。按諸生之目的。預先報告總經理者（南滿會社）迨卒業後。或由所卒業之學校。送考其他學校（以日本學校爲限）或由南滿鐵路株式會社。派充執事。此外如學生欲升學。而無實力者。則由該學校。特意教授。務使及格而後已。

學年之獎勵 每學年由各班擇學品優良者。或一年未曾一日曠課者。均酌予獎品（書物）或訓辭。并於每

年十月三十一日（日本天長節）由南滿會社。發以名譽獎牌。每校或二三枚不等。按人數多寡而定。由堂長擇該校品行忠實體格健壯學問優良者給與之。

旅行 每年暑假內。各校堂長。率職員學生。赴大連旅行一次。其目的約分二項。（一）遊觀。凡旅大諸名勝。均一一觀覽以廣知識。（二）海浴。每日午飯後（以在大留住日計）堂長等引諸生。入海內浴場（大連寺兒溝建有海浴場一處。以備在滿學校海浴之所。日本學校。勿論遠近。均須至此習泅水之技）沐浴。藉習泅水之術。每旅行一次。約一星期。其費用食費（每日日金二角五分）自備。車價概由學校負擔。

總以上數端。其籠絡之術。較我奉學校。相去何止霄壤。無怪吾同胞。相屬而墜其術中也。

日本小鄉村適用之電氣事業

譯日本「成功」雜誌工學博士澀澤元治原著

章錫琛

今日之急務

今日都市人口日益增加。而鄉村田舍之間。漸見減少。此在一方。固足以表工商之發達。為可喜之現象。而在他方。則適足以見鄉村之衰敝。又為可憂之先徵也。先覺之士。怵於鄉村衰敝之患。於是大聲疾呼。倡阻止鄉村青年子弟遷入都市之說。而不知其不可行也。蓋使鄉村農民。皆墨守舊套。從事於向日之農業。及其子孫繁衍。則支出中最大之教育費。與其他之負擔。有加無已。而終歲勤動之所獲。僅止於是。則人滿之患。與勢將困苦窮蹙。無以自聊其生。欲阻其遷地改業。又安可得乎。

是故今日之急務。一方在活用殖民政策。俾鄉村中過剩之子弟。移住於活動有望之異域。而在鄉村。則首當提倡鄉村工業。使鄉村之人。皆可得謀生之新法。前者

非本論所及。茲姑就鄉村工業中應用電力之有利事業。一述鄙見於後。

有利之電力事業

今於向來鄉村經營之電氣事業中。列記其較有利益者如左。

其一不供給動力者

地方	事業者名	原動力	發電力	電燈數	十燭光費金	資本金(收入)	分配年率	借入金及公司債
神奈川	逗子電燈	火力	〇基羅	一、八三五個	〇錢	四九、七〇〇圓	七〇	〇
全	茅崎電燈	火力	三	一、六九九	〇	二五、〇〇〇	九〇	八、〇〇〇圓
全	三浦電氣	火力	三	一、五三三	〇	二七、六九〇	七〇	〇
千葉	房總電氣	火力	三	一、四三三	〇	五二、五〇〇	四〇	〇
全	西總電氣	火力	二	一、〇三四	〇	一五、〇〇〇	六〇	二四、〇〇〇
栃木	那須溫泉電氣	水力	二	〇、六四五	〇	一〇、五〇〇	一〇〇	七〇〇
全	鹽原電氣	水力	三	八元	壹	三三、〇〇〇	五〇	二、八〇〇
島根	美保關電氣	火力	二	〇	壹	三三、〇〇〇	五〇	一、五〇〇

其二供給動力者

地方	事業者名	原動力	發電力	電燈數	動力數	電燈十馬力	動力十馬力	資本金	分配	借入金
神奈川	厚木電氣	水力	三七一、六五	三元	七〇四、七〇	五三、五二〇	六〇	二六、八八八		
全	秦野電氣	電力(水)	三〇	一三一、一四	金五三	八、〇〇	五〇、〇〇〇	六〇	一、四四五	
福島	川俣電氣	水力	四五〇、四、一六〇、八五		五三、三五、三七、五〇〇	八〇、一〇五、〇〇〇				
埼玉	行田電燈	電力(水)	火二四〇、電二五〇	四、七三、一八、五	七	八、〇〇、一〇〇、〇〇〇	〇、〇〇	二〇、八八		
岐阜	板取川電氣	水力	四三五、六六、一六、一		六〇、四、〇〇	三五、〇〇〇	一〇、〇〇	七、五〇〇		
石川	小松電氣	電力(水)	三五五、五三、三三、一四三		五五、四、五〇	一五〇、〇〇〇	二、〇〇			

備考

原動力中之電力係受他電力公司之電力供給者。又費金中之金爲金屬線電球。

今舉動力所用之種別如左。

事業者名	台數	馬力
精米	一一	二二七
製紙	三	二
製綿	二	二
製木材	一	七

秦野電氣

事業名	台數	馬力
製煙	八	一一二〇
機織	一	五
機織上漿	一	五
製麵	一	一
製板	一	一
精米	二	二
機織	一一二	一四一
絹整練	四	五
精米	七	八、五
製木材	一	二五
製絲	一	一
繰絲	三	一、五
打綿	一	〇、五
揚水	一	〇、五
製粉	一	二

川俣電氣

行田電燈

製油	製粉	製紙	製絲	精米	裁斷機	苜製造	精練	繰絲	鐵工	裁縫	印刷	機織	製棉	精米、麥
六	四	七	一五	五二	一	一	三	二	二	一〇	二	三	一	八
五	八	二九、五	九、五	六八	一	一	五	一〇	二	一五	二	四五	五	三二、五

以上所列。乃其一例。此種小規模之經營。所以火力多

小松電氣										板取川電氣				
貝扣	製棉	製絲	陶器	製木材	機織	精米	眞田紐	揚水	製木材	練工	印刷	鍍金	豆腐	製瓦
一	一	一	二	一	一七	二一	一	一	四	六	一	一	三	二
一	二	一	三五	五	四九	四九	一	〇、五	二五	六	〇、五	一	一、五	六

而水力少者。蓋有水力之地。爲費較廉。若附近無水力可用。則不得已而用火力。故近旁有一用水力之公司。則各公司皆不用火力。而向水力公司受電力之供給。如茅崎電燈從橫濱電氣受電力之供給是也。

電力使用之範圍

鄉村之電氣。向皆以電燈爲目的。然其費不甚廉。惟用水力者。方可廉於火油。若用火力。則反不及火油也。故電氣事業之發達。以應用於動力者爲主。動力之應用。精米最多。而亦能助其他鄉村之產業。秦野之煙草。川俣小松之機織。板取川之製紙等。頗爲重要。此種地方產業。應用電力。最爲適宜。凡田舍間用火油機關之各種工業。皆可以電力爲之。

農場與電力

余之主張。更欲以電力用於農業。而使田地整理。咸得灌溉之便。今福岡縣之三瀨郡。由筑後川使用千馬力之唧筒。使之揚水。並以之整理耕地。三千頃之水田。皆

獲良好之成績。此事業約支出八十萬圓。（內十二萬圓爲揚水電力費）十數年後。即償清此費。更獲利益。其次則茨城縣伊讚原之開拓山林。今年開墾五十頃。來年可得四百頃之田地。係使用四百馬力之唧筒。由鬼怒川揚水灌溉。其開墾費爲十一萬圓。（內六萬圓爲揚水電力費）

又近江國犬上郡豐鄉附近。有四五百畝之田地。三四所。使用二三十馬力之唧筒。得灌溉之便。其揚水由掘拔井戶。亦得良果。此外羽後之酒田。福島縣等。現方開辦。十數年之後。亦不難償清工費也。

製粉事業與電力

且小規模之電力應用。不僅水田。亦可應用於地上。至如製粉事業。亦爲重大事業。將來尤有希望。此外電力應用之事業。尙難枚舉。而前之所述。則在農村。尤宜獎勵者也。



賴斐爾

(歐洲美術小史第一)

(續前號)

蔡元培



賴斐爾之以神話意味寫宗教人物者莫著於聖女崔

希里亞。(St. Cecilia 今藏意國 Bologna 之 Pinaco-

theca 圖

八) 崔

希里亞

者二世

紀間羅

馬之富

女而殉

教者也



亞里希崔聖(圖八第)

歌於雲端。普通樂器散擲地上。崔希里亞則手執風琴而仰視。所以寫其舍俗樂而迎天籟也。



利勝之德拉迦(圖九第)

其為純

粹之神

話者有

迦拉德

之勝利

及三格

拉斯等

迦拉德

相傳彼女嘗以風琴事帝。故為教中司樂之神。圖中崔希里亞立於中央。左右各有兩信徒擁護之。衆天童合

之勝利。(Le Triomphe de Galatée 圖九)為希第別墅中壁畫之一。迦拉德者希臘之海神。故圖中乘蚌車而

御海豚。前後皆以衆水神擁扈之。上有三天童。引弓注矢。以迦拉德爲的。所以表愛情。蓋希臘神話中。謂迦拉德本見愛於圓目民族（一日在顧）之酋豪波利弗摩。

(Polyphemos) 其後又與亞者 Akis 相愛。因而激起妒憤之爭鬪者也。

三格拉斯 (Les trois Grâces 圖十) 爲賴斐爾一五〇六年所繪。今藏於法國爽替夷 (Chantilly) 之博物院。格拉斯者希臘代表快感之三女神。一以表榮光。一以表愉快。一以表人生之樂觀也。




斯拉格三(圖十第)

哲學之圖。題曰雅典學派 (L'École d'Athènes 圖十一) 以其歷寫雅典各派之哲學家。而所附同時諸人。亦皆傾心於希臘學派者。故以名焉。圖之左方。執筆而著書者四人。曰畢達哥拉士 (Pythagoras 西元前 500-428) 以數學說明宇宙者也。曰埃奈塞哥拉士 (Anaxagoras 490-357) 創立二元論。謂物質而上更有精神者也。曰德摩克里 (Democritus 490-357) 創立元子論。以感覺爲真正之知識。與理性相對待者也。曰海拉克里 (Heraclitus 535-475) 以火爲萬物之元質。

賴斐爾最複雜之圖。莫過於教皇宮中判事室之壁畫。其中尤以哲學文學二圖爲宏麗。而其內容亦較爲翔實。故事之。

而以變動不居之狀態說世界者。德摩克里之後。左向而立於階上者。蘇格拉底也。 (Socrates 470-399) 蘇氏始以問答體爲教授法。故爲口講指畫之狀。而環聽

者皆其生徒也。蘇氏之前有戎服之少年。蘇氏之徒埃西拜德也。(Alcibiades 450-404) 近於蘇氏。有服粗工之服而傾聽者。蘇氏喜得未受教育之人而爲之講授。故以是代表之也。蘇氏之後。爲矜貴之態度者。爲埃里諦伯。(Aristipp) 彼嘗爲蘇氏之學。其後自立基爾納派。(Kyrene) 以服從良心而享高尚之快樂爲至善者也。埃氏之後。作雄辯之狀者。爲歐希納。(Aeschine 390-314) 初業胃脯。及後研究蘇氏之學。



派學典雅(圖一十第)


而成雄辯家。著名於雅典者也。圖之中部。爲柏拉圖(Plato 427-348) 及雅里士多德(Aristoteles 384-322 希臘之大哲學家。而又代表中古時代兩派之思潮者也。柏氏富於理想。其宗旨在超迹象而趨觀念。以攝合於無上之真理。故其象。左手執所著之鐵摩。(Timaeus) 其神祕之思想所寄也。右手指天。示觀念之歸宿也。雅氏初學於柏氏。而又別開學派。在先爲特殊之研究。而後歸納爲一致。後世之經驗哲學及自然科學。多發端於雅氏。故雅氏之象。

左手執其所著之倫理學。發揮中庸之道者也。右手把握而前伸。形容其揭發實理。以大地及人類爲根據之狀態也。雅氏之右。有爲旅行之服裝者。以代表從遊之生徒。卽所謂沛里巴替克者也。(Peripatetiker)側坐中階。執簡而默視者。第阿惹納也。(Diogenes von Sinope 404-323) 彼之主義。以不憂不懼而純任自然爲至善。故恬靜如是。怡然而欲降階者。唱樂利主義之伊壁鳩魯也。(Epikur 341-270) 拳髮之少年。去第阿惹納而就雅里士多德者。埃里諦伯之後人也。圖之右方。有少年負柱礎而坐。埋頭記錄者。折衷派之代表也。(Eklekticismus) 其右。倚礎而立。窺少年之所記錄而目笑之者。懷疑派之代表也。(Skepticismus) 在懷疑派之右。若前若却者。當爲埃克希拉。(Arkesilas 346-2) 彼嘗創設大學。以人類爲無完成之知識。惟姑取不相矛盾之說而假定之者也。其右有老者被斃而執杖。犬儒派之代表也。(Cynker) 犬儒派代表之右。有少年掉首而去

者。所以著希臘哲學之衰落。而趨於基督教也。右方之前。有執規作圖。教授幾何者。賴斐爾之師勃拉曼德也。(Bramante 西元 1444-1514 以建築術及圖畫著名) 其生徒之中。有美少年仰首而卻顧。是爲斐特列科第。一 (Marchese Fidrico II) 嘗游羅馬。心醉其美術。及其歸曼都亞公國 (Mantua) 而卽位也。特聘羅曼那 (Giulio Romano 1492-1546) 賴斐爾之弟子以建築術及圖畫著名) 而大興美術焉。其右爲天文學及占星術之代表。圖其背相。被王者之冠服。而持天球儀者。以天文學著名之柏多勒摩也。(Ptolemäus 二世紀之天文學家兼治算學及地學) 持天球儀而與之相對者。波斯教中之若羅亞德也。(Zoroaster) 右方之末。賴斐爾自爲寫照。並圖其師貝路齊那之象。所以自表其對於哲學科學之熱心。與本師爲同志焉。其布景。則爲一崇閣之精舍。而其後有圓穹之建築。可以遠矚。其左右皆有希臘造象之片影。不能舉其名。前龕之象。左曰埃


頗羅。(Apollo) 文藝諸神之領袖也。右曰穆爾波盟。Melpomene 悲劇之神也。圖之左角有老者執一巨冊。或謂爲文法書之著作者。而其前之少年。或亦以斐特列科釋之。畢達哥拉士諸人之旁。有手持希臘樂譜之少年。有阿拉伯人。其他哲學家。亦皆有姿態不同之聽衆。皆畫家襯託之作用也。

文學之圖。題曰巴奈斯。(Parnasse 圖十一) 巴奈斯者。希臘之一山。其高二千四百五十九邁當。相傳



爲埃頗羅及文藝之神。九謨惹 (Muse) 之所棲止。而文藝大家之神魂所歸宿也。圖中之山。卽巴奈斯。上有桂樹三叢。古者常以桂樹爲埃頗羅之表象品。而又常以桂葉之冠表詩人之榮譽也。坐於山巔。仰首而奏提琴者。埃頗羅也。其左爲謨惹中之德希奈梭 (Terpsichore) 舞蹈之神也。執七絃琴。其右爲烏拉尼 (Urania) 天文學之神也。常執槌以指天球儀。德希梭之後爲克利阿 (Clio) 歷史之神也。故執卷。克利阿之右爲他利亞 (Thalia) 喜劇之神

也。故執假面。其他分列於埃頗羅之左右者。尚有謨惹五。曰穆爾波盟。悲劇之神也。曰波利依尼亞。(Polyhymnia) 神祠歌曲之神也。曰歐德披。(Euterpe) 抒情詩之神也。曰歐陀。(Erto) 豔體詩之神也。曰加里阿伯。(Calliope) 敘事詩之神也。謨惹以外。冠桂葉之冠而或立或坐者。凡十八人。皆前乎賴斐爾之詩人也。其可以按圖而識其名者四。曰何邁爾。(Homer) 希臘最古之詩人。既瞽以後。猶游行而唱其所作之敘事詩者也。故圖中作一老人。立於山上。仰首而啓口。曰撒伯阿。(Sappho) 希



二第迂列尤(圖三十第)



婦幼幟素(圖四十第)

臘詩人。生於西元前六百年頃。有抒情詩傳於後。圖中作一青年。坐於下方之左。其右手高舉一卷而展之。示其所署之名者也。曰但德。(Dante 1265-1321) 意大利最大之詩人。其最著名之作。為神劇歌百章。(Divina Commedia) 寫地獄及天國之變相。以寓其理想者也。圖中立於何邁爾之左。而右向。其容甚莊。曰彼拉加。(Petrarca 1304-1374) 意大利之詩人及學者。研究古文。為文藝中興之先河。所著抒情詩。曰麗瑪。各國皆傳譯之。圖中坐於下方之右。賴斐爾之畫。在善表通式之美。

然有時而寫小象。則於通式之中。表其特性。今選其尤列迂第二及素帔幼婦二象以見例。而基督現身圖爲其最後之作。再圖中主人翁。卽其末年自寫之小象。尤爲殊特。以終篇焉。

尤列迂第二 (Julius II 其象今藏佛稜斯之博物院 Galerie Pitti 圖十三) 卽一五〇六年聘賴斐爾至羅馬者。圖中神采奕奕。坐而作沈思之狀。

素帔幼婦 (La Donna Velata) 其象今藏佛斯

稜之博物院圖十四) 相傳爲一餅肆女兒之容。賴斐爾常據爲藍本以繪聖母馬利之象。如「聖希多之馬多那」其最類似者矣。



基督現身圖 (La Transfiguration) 在羅馬教皇宮中圖十五) 界爲二層。循世俗神世界人世界之別。而以精神貫澈之。上層於淡黃光暈中。作基督展臂仰視之

狀。賴斐爾所以自寫其高尚之理想者也。中古時代之哲學。以神世界爲超乎人世界之上。非擺脫人世界之俗緣。不能與神契合。文藝中興時代之理想。則由此等厭世之形式。而實以樂天之內容。以爲神世界者。卽在人世界之中。故

聖母馬利非他。今日婦女之優美而慈祥者皆是也。基督非他。今日富同情之感而抱救世之志者皆是也。是以當時美術家。多以其所愛之婦女代表馬利。而賴斐

爾於此。且以己象代表基督。卽人皆可以爲基督之義也。基督左右。爲摩西 (Moses) 及愛律耶 (Elijah) 皆猶太教之先知也。偃息於其前者。爲彼得 (Peter) 耶哥伯 (Jacobus) 及約翰 (Johannes) 基督之三大弟子也。是皆當時基督現身圖之通式。而賴斐爾仍之下層。以一童子爲中心點。爲貫徹上層之關鍵。赤子之心。純美無疵。易通於道也。此童子仰首而張口。一手上指。作瞥睹聖容。驚呼嚮往之狀。一老者自後扶掖之。一少婦

跪而以手指童子之心。其他諸人。或目視童子。或手指之。或隨童子之目而上視。所以寫感應之強也。上層爲賴斐爾手筆。下層則賴斐爾歿後。其弟子羅曼那準其師之草案而補成之。嗚呼。賴斐爾之歿。且五百年矣。吾人循玩此圖。其不死之精神。常若誘掖吾儕。相與脫卑暗而嚮高明。雖託象宗教。而絕無倚賴神佑之見。參雜其間。教力既窮。則以美術代之。觀於賴斐爾之作。豈不信哉。(完)

記印度之術士

譯 Current Opinion

胡學愚

印度近有術士。名耶哥勃。Jacob 其所演幻術。迷離恫悅。牛鬼蛇神。令人不可究詰。印度人民。無論男女老幼。無不識其姓名。其所居之地。名細姆勒。Simla 一時四方游客。紛至沓來。爭欲一其窺神祕。其地幾變爲都會。云。耶哥勃生於君士但丁堡。少時貧無立椎。後至印度。賣藝江湖。漸以幻術享盛名。今則舉世之人。但論及術

士。幾無不知耶哥勃之爲人矣。其所演之術。令人不可推測。能浮行水面。如履平地。能易清水爲純醪。又取一枯枝。能於數分鐘間。使其開花結果。其所結之果。并可療飢。凡此種種。幾令見者驚爲神人。而如新近某報所述者。則其事爲尤奇。有印度軍官六人。皆老於行伍。卓著戰績者。一日。同約

造訪術士耶哥勃。耶律勃先作戲謔之詞。良久。乃向一軍官。詢以當日戰場之狀況。軍官一一對答。辭畢。耶哥勃謂之曰。然則汝試視壁間。當能重觀舊日戰况也。衆如其言。果見人馬礮火。一一湧現目前。無異身臨前敵。所演人物。皆與舊時所經歷者。若合符節。前塵往事。歷歷如繪。且其形狀。悉皆生動。與影戲中所演之狀。頗相類似。於是觀者。乃大訝怪。以爲其目殆被迷惑。繼有一軍官。亦述其平生所歷之戰陣。惟當爾時。此軍官頗著勳績。則皆略而不言。迨仰視壁間。則嚙昔啗噫嗟咤之狀。絲毫畢現。於是衆人。乃大嘆服。力稱耶哥勃之神明不止云。

自此事發生。遂惹起歐美學者之注意。英倫蘭失得報 *Lancet* 解釋耶哥勃之幻術。謂由一種特異之心境所致。大概寡慾養性之人。常能發現此種心境。當此心境發現之際。心地中常現光明之象。智慧勃發。體魄增進。一切外物。舉不足以爲害。而所謂良心。所謂真理。亦皆

於此時戰勝一切。舉凡人類之發達。世界之文明。皆此心境造之也。今節錄蘭失得報原文如下。

欲造就此種特異之心境。須先下一種冥想工夫。 *Brown Study* 此種工夫既深。則其心智能力。非常發達。於不知不覺間。忽具廣大之神通。塵世擾攘。視若無睹。一切生人苦痛。亦不足刑傷其體魄。大率古來文學家。美術家。多具此種工夫。故其所學。出神入化。不落凡塵。昔者華古那 (Richard Wagner 一八一三—一八八三) 德意志大音樂家。且詩人也。自忘其貧。古來名人學者。大都簞食瓢飲。不改其樂。此何以故。蓋具此特異之心境。其心靈超越尋常。非外界事物。所足以困阨之也。印度之婆羅門教徒。能懲忿窒慾。於生活所必需之物。亦能淡焉忘之。何其工夫之深耶。今日之大幻術家。大率多具此種工夫。神而明之。故能見常人之所不見。聞常人之所不聞。恆人未能窺其底

蘊則無不訝爲神怪矣。

由是觀之。研究心智感覺之狀況。與神秘能力之關係。


英法聯軍進攻西歐德軍之計畫

某西人
來稿

此次德人攻擊維爾東主要礮臺。閱時已逾六月。雖以最精練之兵。極威猛之礮。與無數之機關鎗。非但不能戰勝法軍。且反一敗塗地。查德參謀部自二月二十號起。所調赴戰地之軍士。已逾一百五十萬人。而延至目下。其傷亡損失。殆將百萬。尙未得如何重要之結果。溯德人心中。原思維爾東一下。則法人必氣餒求和。或藉此可以防止聯軍在西歐戰場全線進攻之策。不料此種預想。乃如泡影曇花。萬難實踐。且法軍自此以後。愈戰愈有精神。而最後勝利之心願。亦愈堅定。德人用盡心力。猛攻維爾東。非特未曾稍阻。聯軍在西歐全陣線進攻之計畫。反使其計畫得以布置完美。蓋聯軍進攻

實創造新心理學之基礎也。

之計畫。原非旦夕可期之事。須有種種之預備。而預備中重要之目的。第一爲多死敵軍。第二爲多毀其排礮。第三爲多損其防禦之工程。第四爲多炸其軍火。第五爲妨礙其天空飛艇之偵察。及其陣後之種種運輸。暨一切行動。今德人既驅其無數軍人。作維爾東戰壘前之犧牲。而礮火之糜費。工程之損壞。以及運輸偵察種種之妨礙。無一不使法軍達其計畫中之希望。是何異狐狸掘德人自敗其軍事之行動。而使法英參謀部之計畫得行耶。現在聯軍一俟機會成熟。卽行大舉進攻。目前祇用無數小礮。摧毀其戰壕。逼之使不能駐足。徐徐焉使其抵抗力至破壞不能復振之地步耳。




潛水艇

英國查爾斯唐
維爾弗夫著

(續前號)

陸清虔譯



第十四章 各交戰國潛艇力之比較

歐戰開幕以來。潛艇不僅由試驗時期一躍而至實用時期。其價值之重。在海戰諸利器中。且當首屈一指。二十年來。海軍專家。工程師。科學家。等於潛艇之構造。施用。戰術等。悉心研索。力求美備。較無數之腦血。耗無數之金錢。幾度失敗。幾度改良。體積功用。日臻完成。迄今而有已成之艇。二百六十四艘。構造之法。各出心裁。而不相沿襲者。十有餘種。排水量自一百以至一千噸。以共相見於大戰役中。不可謂非物質上之大進步也。潛

艇水軍。授海底陰私之戰術。魚雷快礮機械等等。其裝置於潛艇者。皆有特殊使用之法。今特列舉各交戰國潛艇之數。表而出之。以比較其戰鬪力之大小。儻亦留心戰事者。所樂聞歟。

英國

(甲)巡海類(共七十艘)

排水量自一千噸以至一千五百噸者六艘(F式)

耐久力六千英里。每句鐘速力。水面為二十海里。潛行十二海里。武裝有射魚雷管六枝。快射礮兩尊。(建築

中將次完成)

排水量八百噸者十九艘(E式)

耐久力五千英里。每句鐘速力。水面爲十六海里。潛行

十海里。武裝有射魚雷管四枝。快射礮兩尊。(已成)

排水量自五百噸至六百噸者八艘(U式)

耐久力四千英里。每句鐘速力。水面爲十六海里。潛行

十海里。武裝有射魚雷管三枝。快射礮一尊。(已成)

排水量自三百噸至四百噸者三十七艘(C式)

耐久力一千七百英里。每句鐘速力。水面爲十四海里。

潛行九海里。武裝有射魚雷管兩枝。(已成)

(乙)保衛類(共十八艘)

排水量三百噸者十艘(B式)

耐久力一千英里。每句鐘速力。水面十二海里。潛行八

海里。武裝有射魚雷管兩枝。(已成)

排水量二百噸者八艘(A式)

耐久力三百五十英里。每句鐘速力。水面十一海里。潛

行七海里。武裝有射魚雷管兩枝。(已成)

甲乙兩類。共潛艇八十八艘。

(註)F式六艘。尙未加入戰事。E式有八艘當戰事

開始時。方在殖民地領海中。

法國

(甲)巡海類(共五十四艘)

排水量自六百噸至一千噸者七艘。(地愛納式倍龍

尼式及格斯他無儕台式)

耐久力自四千以至五千英里。每句鐘速度。水面爲十

八海里。潛行十海里。武裝有射魚雷管自四枝以至六

枝。快射礮兩尊或四尊。(構造方成)

排水量自五百噸至六百噸者十艘。(克勞冷特式)

耐久力三千五百英里。每句鐘速力。水面十五海里。潛

行九海里半。武裝有射魚雷管四枝。(已成)

排水量自六百噸至八百噸者四艘。(阿去曼特號。麥

利哇脫號。查爾斯勃倫號。及愛米拉拉普奇瓦斯號)

耐久力自三千至三千五百英里。每句鐘速力。水面爲十五海里。潛行十海里。武裝有射魚雷管四枝。(已成)

排水量六百噸者二十二艘。(福來斯奈爾式)

耐久力二千英里。每句鐘速力。水面十二海里。潛行九海里。武裝有射魚雷管四枝。(已成)

排水量自五百噸至六百噸者十一艘。(普魯維哇斯式)

耐久力二千五百英里。每句鐘速力。水面爲十二海里。潛行九海里。武裝有射魚雷管四枝。(已成)

(乙) 保衛沿海類(共十一艘)

排水量四百五十噸者二艘。(搜司式)

耐久力一千英里。每句鐘速力。水面十一海里。潛行八海里。武裝有射魚雷管二枝。挾魚雷具二枚。(已成)

排水量四百噸者六艘。(愛茂洛特類)

耐久力一千英里。每句鐘速度。水面十二海里。潛行八海里半。武裝有射魚雷管二枝。挾魚雷具四枚。(已成)

排水量自三百噸至四百噸者三艘。(阿貢拿脫及阿格來脫式)

耐久力七百英里。每句鐘速力。水面十海里。潛行九海里。武裝有射魚雷管一至四枚。(已成)

(丙) 保衛軍港類(共二十九艘)

排水量一百五十噸至二百噸者九艘。(脫立頓式法蘭昔斯式羅打式)

耐久力自一百以至六百英里。每句鐘速力。水面十一海里。潛行八海里。武裝有射魚雷管或挾魚雷具自三枚以至四枚。(已成)

排水量五十至一百噸者二十艘。(南哀特式)

耐久力一百英里。每句鐘速力。水面八海里半。潛行五海里。武裝有射魚雷管一枝。挾魚雷具二枚。(已成)

甲乙丙三類。共九十四艘。

俄國

(甲) 巡海類(共二十八艘)

排水量自八百噸至一千五百噸者十二艘。(帝格式。建築將竣)

排水量自五百噸至六百噸者七艘。(喀露洛德式)

耐久力三千英里。每句鐘速度。水面十六海里。潛行十海里。武裝有射魚雷管三枝。快射礮一尊。(已成)

排水量自四百噸至五百噸者四艘。(阿力辯討式)

耐久力三千英里。每句鐘速度。水面十五海里。潛行十海里。武裝有射魚雷管四枝。(已成)

排水量自三百噸至四百噸者一艘。(阿柯拉號)

耐久力二千五百英里。每句鐘速度。水面為十六海里。潛行十海里。武裝有射魚雷管三枝。(已成)

排水量自二百至三百噸者二艘。(措潑式)

耐久力一千英里。每句鐘速度。水面為十二海里。潛行八海里。武裝有射魚雷管二枝。(已成)

排水量二百噸者二艘。(麥克來爾式)

耐久力自八百至一千英里。每句鐘速度。水面十海里。

潛行八海里。武裝有射魚雷管二枝。挾魚雷具二枚。(已成)

(乙)保衛類(共十九艘)

排水量自一百五十至二百噸者十九艘。(羅沙司式、雪辯式、司擔力阿式、桑姆式、哇斯德式、葛拉甫邱勒曼的扶式、密拿伽式)

耐久力自四百以至六百英里。每句鐘速度。水面為十一海里以至九海里。潛行為六至七海里。武裝有射魚雷管或挾魚雷具自一枚以至三枚不等。(已成)

日本

(甲)巡海類(共十四艘)

排水量五百噸者六艘(十六十七兩號及其他四號)
耐久力三千五百英里。每句鐘速度。水面十八海里。潛行九海里。武裝有射魚雷管六枚。(將成)

排水量二百至四百噸者六艘(十至十五號)

耐久力一千七百英里。每句鐘速度。水面十四海里。潛

行九海里。武裝有射魚雷管二枝。(已成)

排水量三百噸者二艘。(八九號)

耐久力一千五百英里。每句鐘速力。水面十三海里。潛行八海里。武裝有射魚雷管二枝。(已成)

(乙)保衛類(共七艘)

排水量一百八十至二百噸者二艘。(六七號)

耐久力八百英里。每句鐘速力。水面十海里。潛行八海里。武裝有射魚雷管一枝。(已成)

排水量一百噸至一百五十噸者五艘。(一至五號)

耐久力五百英里。每句鐘速力。水面九海里。潛行七海里。武裝有射魚雷管一枝。(已成)

甲乙二類。共二十一艘。

德國

(甲)巡海類(共三十六艘)

排水量九百噸者十三艘。(U二十五至三十號已成。三十一至三十七號方成)

耐久力四千英里。每句鐘速力。水面十八海里。潛行十海里。武裝有射魚雷管四枝。快射礮四尊。

排水量八百噸者四艘。(U二十一至二十四號)

耐久力三千英里。每句鐘速力。水面十四海里。潛行九海里。武裝有射魚雷管四枝。快射礮三尊。(已成)

排水量自四百至五百噸者二艘。(U十九二十號)

耐久力二千英里。每句鐘速力。水面十二海里半。潛行八海里。武裝有射魚雷管三枝。快射礮兩尊。(已成)

排水量三百噸者十艘。(U九號至十八號)

耐久力一千五百英里。每句鐘速力。水面十三海里。潛行八海里。武裝有射魚雷管三枝。快射礮一尊。(已成)

排水量二百至三百噸者七艘。(U一至八號)

耐久力一千英里。每句鐘速力。水面十二海里。潛行八海里。武裝有射魚雷管二枝。(已成)

(乙)保衛類(共一艘)

排水量二百噸者一艘。(U一號)

耐久力自七百至八百英里。每句鐘速力。水面十海里。潛行七海里。武裝有射魚雷管一枝。(已成)

甲乙二類。共三十七艘。

奧國

(甲)巡海類(共十一艘)

排水量八百噸者五艘。(U七至十一號)

耐久力三千英里。每句鐘速力。水面十四海里。潛行九海里。武裝有射魚雷管四枝。快射礮三尊。(建築方竣交付與否未悉)

排水量自三百至四百噸者二艘。(U五六號)

耐久力一千五百英里。每句鐘速力。水面十二海里。潛行八海里。武裝有射魚雷管二枝。(已成)

排水量三百噸者二艘。(U三四號)

耐久力一千五百英里。每句鐘速力。水面十三海里。潛

行八海里。武裝有魚雷管三枝。(已成)

排水量自二百至三百噸者二艘。(U一二號)

耐久力八百英里。每句鐘速力。水面十二海里。潛行八海里。武裝有射魚雷管三枝。(已成)

(乙)保衛類無

奧國潛艇除U七至十一號五艘。交付未悉外。共有U一至六號六艘。

當戰事開始時。德國潛水艇自三十以至三十七艘。皆在北海及波羅的海中。奧國潛艇六艘。則在亞得利亞海中。英國則七十四艘。服務於本海。十四艘在殖民地。領海中。法國除少數潛艇。偕其艦隊在遠海外。餘皆在本國海中。俄國則波羅的海有十四艘。黑海有十一艘。除十二艘。皆在遠東領海。日本潛艇十七艘。則皆在本海中。

(完)

說時計

章錫琛

古諺有之曰：「一寸光陰一寸金，寸金難買寸光陰。」西諺亦曰：「時者黃金也。」蓋吾人生於斯世，利用寶貴之時間，以盡吾人之職事實爲莫大之義務，而使吾人之義務秩然有序者，則時計也。知時計之大有造於吾人，斯知未有時計以前之困難。當今日時計進步之時代，而一爲考察其歷史，是亦至有趣味之事也。用述其大要如次。

天然之時計

上古之時，藉天體之運動，以測定長期之時間。如因地球公轉之運動，而分一年與四季；因月形之圓缺，而知一月之晦朔；因太陽之出沒，而知一日之終始。此皆天然之時計也。

雖然，年、季、月、日，固可就天然之大時計而測知之矣。至於時刻、分、秒等正確之時間，則非所能測，而種種不自

由之困苦。於是乎生，如湯中煮卵，不知適宜之時間，出外行獵，不知歸家之遲早。此皆古人所急求，確定而不得者也。

日時計

解決此項問題，其初步實爲太陽投陰之觀測。因人影在日光下之變化，而知早晚之不同，是爲最先之時計。正午將近，則陰影漸短，故定首之影在足下時爲晝餐之時間。其後影漸長，則昏暮漸近，而外出者可以時返其室處。日晷儀 (Gnomon) 之發明，蓋起原於此種觀測。卽所謂日時計也。此日時計之創造，爲事極易，卽以長三尺許之竿，植於日光照臨之平地上，觀地面竿影，卽知時間。此雖通行於古代，然今日各國公園中，猶有保存之以爲珍品者。特究不能稱爲佳良之時辰儀，言其缺點，蓋有三端：其一，不能計夜間之時刻；其二，陰雨無

日光時不得其用。其二不能置於室中。是則不得不更求完全之發明品也。

火時計

然在人類歷史中最古之時代。尙別有測時之發明品。即焚木然燭藉以測時之火時計(Fire clock)也。此種時計。今日帕西斐克島人尙習用之。其法以油胡桃串於椶櫚長葉之中肋。用火然之。胡桃漸燃。則時間之經過。得以測知。不問室內外與晝夜。均得用之。

我國向有以線香計時之法。古醫藥書中多有言。燕幾炷香者。實爲用火作時計之證。後世又仿燕篆香之法。於爐蓋劃分十二格。互相隔離。僅於着底處通一小孔。觀香煙出自何格。卽定爲何時。此火時計之最進步者也。

火時計之使用。不特古時爲然。卽近世文明時代。猶有存者。如紀元九百年時。亞爾弗萊德大王。以燭測時是也。其法以蠟三十兩。製成六燭。每燭長十二寸。刻於

燭上。每二十分。燃燭一寸。故每燭可燃四小時。六燭燃燼。適二十四小時。又今日和蘭人多以吸煙測所行路程之里數。頗爲正確。北美初關時。亦有用是法者。凡此皆火時計之一也。

水時計


以椰子浮於水。孟馬來羣島人所用之時計也。法於椰子殼底鑽一細孔。浮於水面。水漸由孔侵入。滿則下沈。守者卽以經過一時報之衆人。此椰子殼卽爲水時計(Water clock)之起原。在北印度則以銅製之鉢代椰子殼。每一鉢沈。守者卽擊鐘以報時刻。

漏刻

水時計改良之第二期。實爲我國古代之時計。此種時計與前述者不同。卽滿水於銅壺中。於壺側着底處鑿孔。下別以一壺承之。曰漏壺。漏壺之內。置一浮標。能隨水升降。標上插一箭。曰漏箭。箭幹劃分四十八刻。水漸滿則幹漸升。用定時刻。所謂銅壺滴漏者是也。

然依此裝置。當上壺水滿之時。水壓力大。故初時水之流出極速。及壺水漸淺。則壓力漸減。而其流出亦漸緩。因之箭幹之上升。亦先急而後緩。始再增第二銅壺。後因數世紀之經驗。更增第三銅壺於其上。如是則壺水依次由上而下。與漏壺

第一圖




第二圖



接近之壺。其水常滿。水壓力亦常均。箭幹之上升。亦自此無先急後緩之弊。如第一圖所示者。是每日午後五時。由最低之壺。注水於最上之壺。漏刻之制。希臘亦有之。太古時。希臘舍日時計外。無他計時之器。及紀元前五世紀時。始覺有必需佳良時計之勢。因當時辨士在公會內演說。及辨護士在法庭上致辨。往往延長至七


八小時。致使聽衆生倦。欲加限制。而以天氣陰晴無定之故。日時計不得其用。故不得不別求限制時間之器。乃造一甕。甕底鑿小孔。入水其中。水由底孔漸漸漏出。限水盡則語止。如第二圖之水時計。希臘人稱爲漏刻。(Clepsydra) 卽「水漏出」之意。是爲古希臘人極簡單

第三圖



之漏刻。其後更就我國之器。再加改良。三百年前。哲學家。普拉朵。發明最進步之漏刻。卽如第三圖所示。水滴入圓筒E時。則浮標F上升。將運撥時針處之G迴轉。在漏斗A之內側。有圓錐B。將D棒上下之。以調整水之滴下。水由H流入於漏斗。過滿則由I管流出。故漏

斗內之水。常有一定之量。而壓力亦無大小之異。此時計復漸次進步。至羅馬卸來曼皇時。波斯王貢一時辰儀。尤為巧妙。其時辰儀有小戶十二。劃分時刻。時至則戶自啓。隨有小球落於銅鼓上。丁東作響。數與時刻同。故觀所開之戶及已落之球。即知時數。迨十二時已畢。即有騎馬之偶人十二。進時計盤面。盡閉其十二門。




第四圖

第四圖所示。為中古之漏刻。其狀酷似今日之時計。亦有軸及錘。A為浮標能隨水上升。C為錘。標升則錘降。軸隨之以轉。軸端附針。用指時刻。此時計之最可注意者。一部分為水時計。一部分則為錘時計。即藉水以調

整其錘。使其降下之遲速得宜也。

錘時計

既有如上之水時計。則錘時計 (Weightlock) 之發明。其事至易。當中古時。試造錘時計者。頗不乏人。然皆不適於用。及一千三百七十年。德人佛克 (Henry De



第五圖

Vick) 始奏成功。其首先製就者。為巴黎宮殿塔頂之時計。馳名一時。此時計內部鳴鐘處。與機械所在處。完全分隔。第五圖即其機械也。A為重五百磅之錘。P為用以起錘之鍵。O為時針。A下降時。輪之全組隨之而動。然錘漸下降。速亦漸增。則時針所指。因之不準。其在

漏刻(第四圖)唯藉水以爲之調整。故無此弊。於是佛克乃發明所以代之之物。卽齒輪 I I 及 I k 與直柱 K 是。直柱 K 之上部。裝有橫杆 L L。其端有 m m 兩小錘。柱之一端有 i 及 h 兩掣子。今齒輪 I I 之上部。向右迴旋時。則其齒之一。嚙住掣子 i。將柱轉向右方。此齒一鬆。則 I I 下部之齒。又嚙住掣子 h。將柱轉向左方。I I 如此接續迴轉。使柱 K 爲左右往來之運。而柱上之橫杆。亦隨之而動。因此 I I 能操縱錘之下降。故名之曰操縱機 (Escapement) 與漏刻藉水之滴下。以調整錘之下降者相同。此操縱機之發明。實開時計歷史之新紀元。今日各種完全之時計。莫不悉賴其賜。自錘時計發明以後。水時計乃漸歸淘汰。更經一世紀之實驗。又發明不用錘之時計。此種時計。頗與現代所用者相似。雖不用發條。而實較錘時計爲優。佛克之時計中。用有錘之橫杆。此則代以平衡輪 (Balance wheel)。

(2) 惟操縱機仍與錘時計同。懷中時計。則將其平衡

輪縮小加密。此實由佛克之不完全時計所發達者也。

發條時計

發條時計 (Springlock) 不必如錘時計必須置於一定之位置。隨處放置。均能迴轉。且便攜帶。惟大者攜帶略覺不便。故復有懷中時計。當懷中時計初興時。各都市競相製造。然尙不甚佳。至十六世紀之末。始有鍍製金銀製之小時計焉。

擺時計

時計最後之改良。爲擺 (Pendulum) 之發明。以擺測時之法。始於天文學家額禮羅。至十七世紀之中葉。始用於時計。發明者究屬何人。傳說不一。然荷蘭天文學家富幹斯 (Christian Huygens) 實爲首先用擺以調整時計運動之人。其時計之構造。與佛克之時計相似。惟用擺以代其操縱機而已。

自富幹斯發明之後。時計之歷史。遂無可復述矣。世界進步。日新月異。試以今日之時計。與二百年前相較。其相去不啻霄壤。又何論乎中古以上哉。

動物之地下生活

胡學愚譯

自大戰爭發生。歐洲多數文明國民。皆伏處戰壕之中。不謂邃古原人穴居。楚處之風。重於今日見之。亦足奇也。考動物之中。如鼯鼠狐兔之屬。皆於地下經營土窟。以防敵人之侵犯。此與軍事上用以防守之戰壕。頗相類似。近來巴黎『自然界』雜誌。著文詳論動物在地下之生活方法。頗饒興趣。茲就原文。節錄如下。

動物之中。營地下生活者。以蜘蛛昆蟲爲最多。然高等動物。如哺乳類鳥類。亦多在地下建築巢窟。以圖棲息。哺乳動物生活地下者。以鼯鼠爲最著。此種動物。皮毛柔軟。在晚近商場中爲大宗貿易品。其開掘泥土之能力。頗足駭人聽聞。前蹄甚大。具銳利之爪。掘土時卽用以爲鏟。爲鋤。爲鐵耙。苟捕置地上。一瞥間卽鑽入土內。無從追迹。其在地下所構造之巢穴。布置完備。匠心獨具。遠非德軍之戰壕工程。所得而比擬。於隧道外另建

一巢窟。窟之內部。爲一圓室。爲晏息之所。室之半徑約四五吋。室外有兩暗道環遶之。其在外方之暗道。與內室相平。距離爲七至十二英寸。內方之暗道。則較內室爲高。自內室至內方暗道。有通道三。而自內方暗道至外方暗道。又有通道五六。與自內室至內方暗道之通道。不相連續。又自外方暗道。有通道八九條。曲折以達於大隧道。其機關複雜如是。故敵人至不易覓得其棲息地。又自內室。有一通道。自上而下。復自下而上。迂迴以達土外。防有萬一時。爲逃命之路。其內室四壁光滑堅牢。室內鋪以樹葉草根之屬。以代被褥。其謀安全。蓋無所不至也。

其他哺乳動物。若兔若狐若獾。皆營地下生活。古諺有之。狡兔三窟。兔之巢窟。蓋與狐獾相似。狐窟中央爲一大穴。深可三米。突四周有小竇無數環遶之。周圍自十

五以至二十米突。竇穴之間。皆有通道。并有種種出土之路。以備逃避。獾之鑿土。能力絕大。於數分鐘間。能將全身鑽入土中。其前爪頗強有力。鑿土時用以抓掘。其掘起之土。則以後爪起出之。凡動物在地下所經營之土窟。以獾窟爲最大。其用以交通之隧道。長自七米突至十米突。其竇穴常在地下一米突有半之處。甚有離地面四五米突者。惟若至於如是之深。必另有一隧道。直通地面。以灌輸外界之空氣云。

此外如美洲所產之小猿及草原狗、花金鼠、北非之菲內格狐、及鴨嘴獸等。皆以哺乳動物而生活地下者也。尤足異者。以鳥類之自由活潑。竟亦有在地下營生活者。例如巖燕鑿土之能力甚大。每有兩燕能於兩三日

之間。掘土至六七糲之廣。并於其底。鑿一通道。達二米突之長。又有一種鳥。名 *Gositta*。西班牙人稱爲 *Orilla*。意謂小泥司也。其巢常築於離地面兩米突之下。而自此鑿一狹窄之隧道。徑達於地面云。今請更引達爾文之語。以竟吾篇焉。達爾文曰。

鳥類喜就堅壁峻阪。或路旁溪澗。鑽土作巢。曩時余所居屋。四周皆爲泥牆。余見牆中鑽小穴甚多。怪而叩諸居停。居停主人語我。此爲鳥類之所爲。後余再三考察。始得睹其鑽穴之狀。所足怪者。此等鳥類。平時翱翔四周。而於牆之厚薄。未嘗慮及。以爲其內必可築巢。余嘗見其竭力鑽鑿。煞費心力。忽焉牆壁洞穿。突見天光。其驚愕缺望。至於不可名狀也。




館 旅 上 樹



佳涼季爲上旋由樹室築中之尼利南美多旅此
境之納夏下梯蝶巔於臥常山亞佛加國在館種

車 託 摩 艇 拖 式 新



愛獵行車艇此面推分艇圖之至圖之行拖摩上
用者家凡摩種之入離與右狀海左狀陸艇託圖
之皆游旅託拖狀海將車爲下岸拖下上馳車爲



石遺室詩話續編卷十一

(不許轉載)

侯官陳衍



秋竹齋主人梁運昌。初名雷。字曼雲。又號江田。吾鄉長樂。苴鄰先生之從兄。嘉慶己未科進士。官翰林院編修。著有杜園說杜十大冊。生平精力殫於此書。其攷訂事實。實有見人所未見者。十大冊中。五古分爲七卷。七古分二卷。五律分五卷。七律分二卷。五言排律分三卷。七言排律五首。附五七言絕句合一卷。附錄杜譚上下二卷。批摘贗詩一卷。附未錄詩年表。敘例目錄題辭合一卷。共二十四卷。皆手自寫定。有自題跋。極其自負。其凡例大略如下。(此書未有刻本。亦無副本)

詩家重古體而輕近體。詩格尊五言而卑七言。杜老閒以七言近體供戲筆。至於五言。則如禮法之士。冠佩端嚴。動作不苟。無疾言急詞。無弛筋懈骨。重厚有古大臣

風度。故茲編於五古全錄。

杜詩七言古體。無篇不著歌行字。其不著此字者。晚作短篇三五首而已。太白則多用吟字。杜又或名爲悲。爲哀。或曰引。皆本樂府古歌之意。要使可以協律歌唱。與五言之敘事稱古詩者。體格意趣。致爲不同。故杜家早歲歌行。淵淵作金石聲。太白之豪宕。少陵之沈鬱。聲調各極其變。與高岑四家又別。要之太白尙是別調。如少陵迺成絕唱也。其遁作訐調者。如畸人逸士。幅巾裹首。行步欹危。歷落嶽崎。風格在疎野中。居然勝流。晚年病懶。往往爲短什而不修辭。惟此種減十餘篇。五律純以意勝。無所謂練字練句者。其沈鬱頓挫處。無非精意所結撰。至於詞句。略無新異。善讀杜者。芹泥隨

燕嘴。花蕊上。蠶鬚。不以爲妍。憂我營茅棟。攜錢過野橋。不以爲樸。第其淺深。惟在意境。初至成都夔府時。往還絕少。日惟流連景物。排愁遣悶。動至數十篇。連疊觀之。意不必高。語不必異。此類輒減去二十餘篇。入錄者五百六十首。

開元中五律極盛。而七律猶未盛行。王右丞爲此體大家。亦不過二十餘首。至劉長卿始多爲之。而標尙風格。自成一子。惟工部始臻絕境。蔚爲鉅觀。無篇不佳。無格不具。大約以杜作之次者。與達夫東川論伯仲。至其絕詣。雖太白未敢差肩也。

五言排律。本自家法。爲生平絕詣。元微之之所推挹者也。晚作三五篇。詞華稍減。而紀律分明。亦可爲後學準的。故全錄。

五七言絕句。合錄百章。共爲一卷。夔州歌十章。竹枝之絕肖者。夢得柳枝詞。浪淘沙。正坐太文雅。必雜以訐調。方言。方得逼真。薛太拙。譏劉白宮商不高。徒爲妄議。今

此聲尙存於苗謠間。不親聆此。不知工部之妙也。其餘七絕。多屬解悶口號之作。正經篇什。不用此也。故所錄不能及半。

外集詩諸家所收。率皆贗鼎。佳者不過一兩篇。細按之。亦皆非杜作。故悉不錄。而逐章爲之摘駁。以饜讀者之意。而釋其疑。

杜園說杜之說得精確者。如前出塞九首云。此詩與祿山無涉。王嗣爽以爲哥舒翰征吐蕃時事是也。明皇倚恃富庶。銳意邊功。哥舒爲將。奏石門堡大捷。收回青海一帶舊地。視中宗之世。和親割地。屈意講和者。自足一快人意。於是史館紀功。朝臣頌績。獨杜老以羈旅書生。從明盛時。隱切憂危之慮。七絕口號云。朝廷忽用哥舒將。殺伐虛悲公主親。此詩末章云。衆人貴苟得。欲語羞雷同。是公意獨不以得地爲喜也。首章是尺符初下。結束出門情事。交河點清出塞之地。開邊點清出塞之事。開邊二語。全詩關鍵。次章是初登程時。未受苦辛。

一往高興。在途兼習勇力情事。三章是在途漸覺勞苦。然尙未有他故。故勉遣其戀鄉之思。卒勵其許國之志。憤惋何有。逆蹴起下章。四章是跋涉而被驅逼。憤惋之極。變爲決絕。爲役者對吏之辭。五章是初至軍充當賤役情事。至此始見胡騎之面。猶未得身履行陣也。異苦樂。點出本指。樹功勳。反挑下文。奴僕二語。寫出將校偏私。邊卒驕逸情狀。六章忽然劃斷。變爲議論。立國有疆。是全詩正意。末二句申明此義。妙在不作腐語。以挽弓四句興起。苟能豈在意。而看去却似勇往敢戰之辭。七章是從大軍中復調遣遠戍。亦是苦役也。築城則可以減撤戍兵。不必牽泥時事。雲南征而人愈北去。因此又打動鄉思。八章是戰陣立功情事。本以新到之卒。未經行陣。不令得當大敵。已無立功之望。却反因遠戍。得以斬馘擒王。無如自家立功。他人受賞。邊庭積弊。無可奈何。則惟以不爭功自高而已。然自此一勝。方得身列士伍。差免奴僕之勞。末章旣已立功。而

仍無指望。遂趁勢以不爭功作下場也。衆人二句。借軍士語自明。作詩之指。此詩大指。乃諷開邊。舊謂爲邊將冒功者發。尙隔一層。中原有鬪爭。况在狄與戎四句。是全詩歸宿。戎狄句。所以找足立國侵陵。中原句。所以墊起戎狄。於文勢。乃是襯貼語。解者卽將此句。張皇謂中原且將致亂。自以透到范陽後事。不知此與祿山無涉也。連章詩最忌一路排列。直塌下去。古人連章詩。曹子建贈白馬王篇最著。而正說到惜別之際。却反說丈夫志四海。萬里猶比隣。恩愛苟不虧。在遠分日親。名筆總不肯平鋪順敘也。案前後出塞。毛詩邶風之擊鼓。鄭風之清人。王風之揚之水。小雅之漸漸之石也。上薄風騷。少陵真當之無愧色。得梁說而曲折無遁形矣。錢箋早開其先。但不如是之詳明耳。說後出塞五首云。此祿山鎮范陽。遣人至東都募兵也。監馬選壯者。驅歸河朔。兵籍募及內地。益增益廣。蓋其日夜謀反。識者皆知其旦夕必發矣。而明皇深信不疑。

一任所作。不容人詆毀。有言其將反者。必縛送范陽。是以上下箝口。結舌無有敢觸之者。惟有杜老向篇什大聲疾呼。明目張膽。不顧患害。原臣子忠愛迫切之忱。冀以一言悟主。前出塞。乃按籍遣發之兵。猶是府兵舊制。後出塞。乃召募赴薊之兵。則出於常制之外。首章男兒四句。原出塞之由。爲全詩根柢。召募二句。急點清。召募赴薊。作全詩眼。日千金八句。但寫意氣之豪。行色之壯。而疎略謬誤。已伏其中矣。次章敘入營就伍。暫止未行。時事募兵統軍之將。自無不識之理。正謂在薊門之大將。未知如何耳。至此始問者。以見初時應募。倥偬趨裝也。朝進暮上。見促行之急。萬幕部伍。見募兵之多。令嚴士慘。見軍政之肅。此裨將亦能軍。慣戰者也。天寶二載。祿山入朝。進驃騎大將。比之去病。恰預透。後章高勳獻凱。意不驕。反挑下氣。驕將驕。三章推原朝廷。所以出師。因過寵邊帥之故。然却不明說。祇用數虛字。抑揚頓挫。以作微詞。乃上下文之樞紐。全詩之正位也。豈知

二字妙甚。見得上文。一番借問。不但識得大將。并識得大將所以邀寵在高勳。而不在守邊。遂使二字又妙。見得朝廷以深入多殺爲功。而全無覈實之事。不特大將虛冒。已得高勳。卽吏士之所以奮身者。不必拳旗斬將。但剽竊所聞。持空名。卽可以獻上。上下相蒙。絕無畏忌。孰知此乃是主上意指使之然也。擊荒收馬。誓開玄冥。分明是所聞之空言。絕無實事。寫來不知是主將是軍士。含糊而已。獻凱繼踵矣。四章實寫冒功濫賞。養成驕逆情事。首二句略却戰陳不說。而獻凱日踵。便知是虛奏冒功。漁陽六句。借俠地爲詞。而朝廷竭中原之力。以徇冒濫之邊功。自見言下軍士之佚樂。富厚如是。則主將可知。故末四句說出驕陵。已是欲反矣。末章將從前封侯立功。雄心銳氣。一掃而空之。却成一逃籍老卒。不必實有此人。此事乃借作文字收科。微詞悟主。全在此處。坐見二字。乃預決其必反。知不可旦夕忍也。窮老句言雖無家口之累。而惡名必不可居。所以深

著其識大義耳。故里空村。與首章送行時光景。閑閑對照。見得朝廷用兵以來。故里已以遣發逃亡。成空墟矣。更禁得幽朔反兵。長驅而至哉。案史記言去病少而侍中。貴不省事。其從軍。天子爲遣大官。齎數十乘。旣還。重車餘棄。梁肉而士有饑者。其在塞外。卒乏糧。或不能自振。而驃騎尙穿域蹋事。多此類。故以况祿山之驕貴。無更似者。至逃軍。本有罪而不肯從。祿山爲亂。脫逃以歸。則翻爲知大義矣。

說自京至奉先縣詠懷五百字（原注天寶十四載十一月月初作）云。自西京蘇李更號東都繼軌。建安黃初作者爲盛。正始以後。迄於義熙。陶令崛興。結魏晉之局。大約皆辭尙古雅。語無崇飾。惟陸平原其稍縛者。江左顏謝之倫。始工辭藻。降及齊梁。爰逮唐初。風骨愈弱。要皆相沿用。比興之體。故詞華用事。篇幅不長。東京惟蔡文姬悲憤。是用賦體敘事。最爲大篇。廬江小吏亦其選也。然此體久成孤唱。歷數百年。未有繼聲。太白瀟灑放

曠。不拘繩尺。而按其全集。比興居多。至杜工部始用文姬悲憤之體。夾敘夾議。作爲詠懷。北征自古長篇。無逾於是。開元五古。專尙高簡精鍊。若欲敘事。則用排比長篇。惟儲太祝王少伯遊昆明池宿霸上二作爲異製。天寶間始稍展拓。而高逵夫獨孤至敘事之作。必自標曰以詩代書。明其體格異於前人也。至李杜始有極長之篇。太白流夜郎一首是也。詩有賦體。而後六義之旨全。杜旣爲唐代詩家第一。而宋人之論。又以北征詠懷爲杜集中第一等文字。李安溪相國謂後來作者。惟退之贈張籍及贈崔二十六立之詩。與永叔重讀徂徠集三篇。可以相亞。然鄙意正恐昌黎二詩。未必無賸語浮詞。至王平甫迺謂退之南山勝北征。此直妄人妄論。何必山谷始能折其謬哉。所愧二句。卽孟子爲民父母行政。如之何其使斯民飢而死也。之意。與前活國凍死等句。語脈相承。非實事也。時幼子適卒。硬派他作餓死耳。劉昉據此作傳。而於餓孳下添數人字。且又移作歸鄜省。

家時事。其不得事實。附會如此。觀羌村詩。兵戈阻絕二年餘。及其到家。尚云禾黍已收。糟牀旋注。此時兵戈未起。是冬祿山已反。而詩中全不之及。作詩時尙未聞反信。奉先諸官及白水崔舅相依。何至於餓。卽餓亦豈有幼子獨卒之理。案長篇古詩。自以蔡文姬悲憤爲千古第一。余曾駁詩比興箋。誤信蘇子瞻疑爲贗作之說。當時未見此書。乃與暗合也。以後謝康樂述祖德詩。雖係賦體。然非長篇。唐人賦體詩。自以退之元和聖德詩爲最長。但四言耳。次則贈張贈崔二作。張籍祭退之詩。亦賦體。甚長。而工者。重讀徂徠集。並不長。宋詩似此者多矣。流夜郎作將近百韻。遊昆明池。不過三十韻。幼子飢卒。斷非實事。所愧二句說得好。譬如醫藥不繼之類。亦可算飢卒。東方朔所謂飢欲死。少陵律詩所謂恆飢稚子色。淒涼皆雲漢。周餘黎民靡有子遺之例也。說北征（原注歸至鳳翔墨制放往鄜州作）云。兩京未復。駐蹕鳳翔。正當艱危之日。臣子憂虞方切。所當國爾。

忘家。宜俟直擣賊巢。收復京城。奉迎上皇。扈駕還都。而後乞恩歸省。無如家中飢寒困厄。朝不謀夕。不得不急。一歸身雖在家。而一種憂國之心。有不能須臾置者。所憂維何在。於收京之議。必須借力回紇也。豈知賊命宜絕。乘官軍之銳氣。一舉可以殄滅。何必借力外夷。令民間又多一種瘡痍耶。况乎上皇悔禍。從諫易如轉圜。嗣君明哲。繼跡宣光。現在都人延頸仰望翠華。園陵有神。足徵天命。是太宗之宏業。未應便衰。卽無回紇之五千人。亦倏奏恢復之績。奈何羣議憤憤。竟奪虛佇之聖心。徒使局外小臣。殷憂無已也。是詩不提出憂虞瘡痍。作主腦。則隨手散叙。游騎無歸。若以此意爲主。則舍回紇曷指乎。案北征得請。實爲疏爭。房瑄之故。舊唐書本傳云。十五載祿山陷京師。肅宗徵兵靈武。甫自京師宵遁。謁肅宗於彭原郡。拜右拾遺。房瑄布衣時與甫善。時瑄爲宰相。請自帥師討賊。帝許之。其年十月。瑄兵敗於陳濤斜。明年春。瑄罷相。甫上疏言。瑄有才。不宜罷免。肅

宗怒。貶瑄爲刺史。出甫爲華州司功參軍。新唐書云。甫上疏。帝怒。詔三司推問。宰相曰。甫若抵罪。絕言者路。帝乃解。然自是不甚省錄。而公悲陳陶云。孟冬十郡良家子。血作陳陶澤中水。天寶十五載。孟冬。卽至德。元載十月也。公祭故相國清河房公文云。拾遺補闕。視君所履。公初罷印。人實切齒。甫也。備位此官。蓋薄劣耳。見時危。

急敢愛生死。君何不聞刑欲加矣。伏奏無成。終身愧恥。此言瑄罷相。公爲拾遺。疏爭之無效。幾將抵罪也。新舊唐書皆與相合。瑄罷相在至德二載春。公上疏不聽。元稹撰墓係銘云。以直言失官。故延至閏八月而歸省其家也。

（未完）



餐櫻廡隨筆

(續前號)
(禁止轉載)

蕙風

清朝八旗人名上不具姓。元人亦間有之。康里嚶嚶。按嚶嚶字。从山从夔。或作狻。說文。夔。奴刀切。與夔龍之變不同。見金石屑第四冊。元文宗永懷二字。北平翁氏跋。世傳从夔作嚶誤。筆札流傳者。只書嚶嚶。不箸康里。明解大紳(縉)春雨雜述。學書法一則云。嚶子山平章。每日坐衙罷。寫一千字。纔進膳。亦如近人稱旗人。竟以名之上一字爲姓矣。

古碑誌中年號。間有不可攷者。唐大泉寺新三門記。稱劉宋開明二年。邑令顏繼祖捨宅移寺。攷宋無開明之號。又宋開寶六年。重書龍池石塊記。首稱大漢通容元年。歲在甲辰。其年大旱。陽湖陸氏曰。甲辰。後晉出帝改元開運之歲。後漢高祖以開運四年二月卽位。仍稱天福十二年。六月改國號曰漢。明年正月。改元乾祐。終漢二世。無以通容紀年者。又托活絡忠敏所藏黃丙午葬

甌文曰。政通三年三月黃丙午葬。政通年號無攷。且有三年。非僭號爲日無多者比。殊不可解。又唐趙夫人墓誌。亦忠敏藏石誌云。以元和十五年。少帝卽位。二月五日。改號爲永新元年。所謂少帝者。自指穆宗而言。但穆宗初改號永新。攷新舊唐書。並無其事。已上各年號。爲嚶來記載所未有。詎皆出自杜撰耶。又元泰定五年。贈寧海州知州王慶墓表。文云。父生於擴慶庚申。妣生於擴慶丙辰。按丙辰。慶元二年也。庚申。慶元六年也。古碑刻追述。毫社之年多矣。直虜帝諱。(擴字。宋寧宗諱)而配以年號上一字。塵見此一碑。亦新奇可紀也。近人但知老蘇稱老泉。而不知子瞻亦稱老泉。葉少蘊云。蘇子瞻謫黃州。因其所居之地。號東坡居士。又號老泉山人。以眉山先塋有老人泉也。子瞻嘗有東坡居士老泉山人八字共一印。見於卷冊。其所畫竹。或用老泉

居士朱文印。歐陽文忠作明允墓志。但言人號老蘇。而不言其自號老泉。葉蘇同時。當不謬也。見茶餘客話。按據此。則老蘇並無號老泉之說矣。又子瞻一字子平。世人亦罕知者。同時與子瞻往來詩。常有稱子平者。文與可月岳齋詩。有云。子平一見初動心。輦致東齋自磨洗。又云。子平謂我同所耆。萬里書之特相寄。詩題下注云。詩中子平。卽子瞻也。見黃嬾餘話。

茶餘客話云。清文對音七字。乃歌麻支微齊魚虞七韻之音。字頭中。又以阿厄衣窩烏五字喉聲爲主。凡聲皆出於喉。傳於鼻唇齒之間。而又收聲於喉。按日本字母首五字。アイウエオ。(母音喉音)ア讀若阿。イ讀若衣。ウ讀若烏。エ讀若阿耶切。(此切音之耶字。須讀若葉字之平聲。不讀若鴉)音近厄。オ讀若窩上聲。與清文字頭略同。蓋清日皆東土。其元音不甚相遠也。世俗以秦晉稱姻家。據春秋傳。秦晉世爲婚姻。而世尋干戈。今人甫聯姻。則仇釁漸開。嫌隙無已。用秦晉之好

語。最是的切耳。詎可用爲稱美之詞。亦若對於科名偃蹇者。不當以李方叔事爲比例也。(說見前筆)

偶閱書肆。有常熟瞿夢香(紹堅)吹月填詞館賸稿。瞿子雍(鏞)鐵琴銅劍樓詞草。合裝一冊。以其爲藏書家之作。亟購之。賸稿有詩題云。曹梧岡三妹蘭秀。字澧香。幼學詩於令姊墨琴夫人。工詞。並善畫。才名藉甚。松江沈生聞而慕之。請鐵夫蹇修獲成。納素珠名帖爲聘。女以玉穎十枚珍書一部答焉。吳之人豔其事。賦詩以傳之。時戊辰歲正月下浣。予與良甫有西湖之權。出示新詠。並述此事。屬和。口占四絕。卽示梧岡詩云。幼婦詞稱絕妙才。問名親繫色絲來。牟尼百八如紅豆。顆顆圓勻貯鏡臺。筆自簪花抵佩瑤。拳帷爭說女尙書。鴛鴦兩字郎邊去。寫到鷗波恐不如。東風一線判大華。昨夜春燈燦玉葩。倚袖漫題紅葉句。定情詩早賦梅花。春帆水急待雲幘。端整催妝賦錦箋。一付吟匳蘭一朵。載花端合米家船。曹良甫(楙堅)箸有曇雲閣詩集。元作云。新

來妝閣試羊裙。坦腹應知是右軍。不獨鷗波傳墨妙。劉家三妹總能文。玉管銀豪裏十枝。緘題珍重射屏時。阿兄替與安排好。半待簪花半畫眉。異書幾卷付新裝。絕勝它家百兩將。料得金蓮花燭下。雙聲先擬賦催妝。鶯簾春靜費吟哦。巧奪天孫鳳字梭。點檢柳金梨雪句。它時留付小紅歌。按墨琴女史。爲王鐵夫（芭孫）夫人。（名貞秀、長洲人）箸有寫韻軒集。以書法聞於時。尤工小楷。所臨十三行石刻。士林推重。茲據瞿詩。知其妹亦工詩詞。精繪事。雙璧雙珠。尤爲玉臺佳話。至於嘉禮互答。率用文房珍品。尤爲雅故。可傳云。

英人斯賓塞爾所著羣學肄言。侯官嚴幾道（復）譯本。有云。摩闕伯斷碑。出土於亞西之大坂。（按據此。則非洲亦有大坂。譯音與日本地名同。）係腓尼加古文。語與希伯來大致相似。所紀者鄂摩黎征服摩闕伯。自阿洽之死。及攻以色列種人。皆中國周初時事。今其石在法國魯維省。按吾中國石刻。以周宣獵碣爲最古。後於

此斷碑。殆猶數百年。然埃及諸石刻。則尤復乎邈矣。托活絡忠敏藏埃及碑數十石。多象形字。若禽魚亭臺雲物之屬。又有古王及后像。王像長軀巨目隆準。軒昂而沈鷲。后亦隆準。短小而權奇。（王像高今尺一尺二寸五分。后像高八寸三分。皆半身像。陽文。）忠敏題云。五千年外物也。

贛友某言。新建勒少仲方伯（方琦）未達時。癖阿芙蓉。甚深。率竟日臥不起。於枕邊稍進飲食。亦不少洩。並不轉側。如是者或三五日。以爲常。一日有友過訪。值委臥。三晝夜矣。噓之不起。疆拉之。直其躬。懷中有物墮地。厥聲啞然。亟視之。一巨鼠驚而跳踉。數乳鼠蠢蠢動。蓋鼠免身於其懷。而彼懵不知也。此事似乎言之已甚。而贛友則云。當時固碣有目擊者。其公子名深之。字省旃。亦能詩。蹄落無檢局。嘗客吳門。眷妓張少卿。製聯贈之云。少之時戒之在色。卿不死孤不得安。可謂有是父有是子矣。

溱友某言。其鄉人施旭初孝廉（浴昇）工制舉藝。淹雅可談。顧癖耆阿芙蓉。芻狗塵事。不屑白潔治。曩春闈下第。留京同寓會館。某日施約閱市。歸塗購爆羊肉。爲下酒計。裹以荷葉。索而提之。肉浮於葉。俄迸出墜於地。方相助掇拾。仍納葉中。施曰勿庸。時屆秋末。施已絮其袍。緞製也。且新製。則擗其前幅。若爲袱。左手攝衣兩角。右芻肉而兜之。夷然灑然。意若甚得者。既入其室。則抖而委之於榻。狼籍而咀嚼之。且以屬客。客謝弗違也。客噤館人以盤至。則朵頤者泰半矣。客不噤館人者。殆將寢其皮。不止食其肉矣。卽如其人。政復非俗。其蠶苴者形骸耳。烏知其非有託而狂也。

明山陰張宗子（岱）陶菴夢憶云。吾鄉搢紳有治沅堂者。人不解其義。問之。笑不答。力究之。搢紳曰。無它意。亦止取三台三元之義云爾。聞者噴飯。蕙風避地海上。皆樓居。客歲得元版書三種。（大德本爾雅、天庥本楚辭、五卷本圖繪寶鑒）名所寓曰三元樓。裘葛甫更。三元

已易米。卽樓亦易主矣。（易所主也）

花村談往二卷。不箸撰人名氏。有古翫致禍一則。萬曆末年。婁東有一白定鑪。下足微損。鄉村老嫗。佛前供養。偶有覓古者。一金易之。則爲拂拭。碾去損處。錦襲以藏。售雲間大收藏家顧亭林。得四十金。亭林又售董宗伯。價已鵠至一百二十金云云。此顧亭林時代在崑山先生之前。

長洲汪苕文（琬）號鈍翁。順治乙未進士。官刑部郎中。緣事謫北城兵馬司指揮。鈍翁夷然赴官。不謂塵褥不屑也。吾粵（桂平）陳鹿笙方伯（璠）先是官浙江同知。受知於巡撫蔣果敏（益漣）擢杭嘉湖道。未幾。梧果敏被劾。降同知原官。鹿翁卽以同知需次浙垣。隨班聽鼓。絕無憤懣不平之態。有鈍翁之遺風焉。其後年隴古稀。開藩四川。護任總督。俄卸督篆。仍回藩司。本任遂引疾歸。論者謂才猷如鹿翁。設不經盤錯。則指晉臺圻。殆可與曾左諸公分鑣平轡。（鹿翁宦浙。丁洪楊亂事。方劇。

以防堵悉。機宜見重於蔣果敏。卒以意氣觸上。官致名位坎坷。卽事功亦未竟展布。未嘗不佩仰其節介。而惜其涵養稍未臻至也。又汪鈍翁小字液仙。程可則小字佛壯。王阮亭有詩云。佛壯談詩登祕閣。液仙趨府算錢刀。鈍翁先除戶部。一佛一仙。天然對偶。梁任昉述異記云。武陵源在吳中山。無它木。盡生桃李。俗呼爲桃李源。源上有石洞。洞中有乳水。世傳秦末喪亂。吳中人於此避難。食桃李實者皆得仙。按此卽淵明所記桃花源也。而曰桃李源者。任昉時代。距淵明未遠。當別有所據。後人或云。陶此記屬寓言。並無所謂桃花源者。今以任記證之。而知其非然矣。又據陶記。入桃源者。武陵捕魚人。是謂源在武陵。而任記則云。源在吳中。第名武陵爾。亦與陶說異。

耳。陶菴夢憶云。沈梅岡先生。悟相嵩。在獄十八年。讀書之暇。旁攻匠藝。嘗以粥鍊土。凡數年。範爲銅鼓者二。聲聞里許。勝暹羅銅。按鍊土爲銅。殆僅亞於點石成金一等。銅可範鼓。卽可鑄錢。此法若傳。則鄧氏銅山。不能博美於前矣。設令泰西人得之。不將詔爲新發明耶。光緒乙未。南皮張文襄相國。總督兩湖。值六十壽辰。門下士姚汝說。集漢書句爲製錦之文。比事屬辭。如天衣無縫。求之嚮來壽言中。殆未必有二。移錄如左。自古受命及中興之君。恩澤侯傳。必有非常之人。司馬相如傳。待以不次之位。東方朔傳。所與共成天功者。功臣表。成周郅隆。司馬相如傳。周召是輔。郎顛傳。孝宣承統。公孫宏傳。丙魏有聲。魏丙傳。莫不賴明哲之佐。崔寔傳。爰作股肱。傅毅傳。受任方面。馮異傳。外攘四夷。武五子傳。內親附百姓。王陵傳。洪亮鴻業。班固傳。國以富強。食貨志。是故四

方仰望柱石之臣。(郎顛傳)延頸跂踵。(揚雄傳)相與
嗟嘆元德。(班固傳)翼宣盛美。(徐穉傳)雍谷揄揚。
(班固傳)著於竹帛。(東方朔傳)所從來遠矣。(司馬
遷傳)今皇帝仁聖。(王吉傳)卽位二十二年。(禮樂
志)盛日月之光。(終軍傳)化於陶鈞之上。(鄒陽傳)
尊養三老。(鼂錯傳)表章六經。(武紀)丙申。(律歷志)
秋八月。(安紀)三日。(文紀)南皮。(地理志)張公。(古
今人表)德爲國黃耆。(師丹傳)春秋六十。(郊祀志)
耆老大夫搢紳先生之徒。(司馬相如傳)大衆聚會。
(五行志)皆奉觴上壽。(司馬遷傳)於是綴學之士。
(楚元王傳)僉爾而進曰。(班固傳)尙書。(百官公卿
表)歷金門。上玉堂。(揚雄傳)職在太史。(律歷志)身
爲儒宗。(蕭望之傳)甚得名譽於朝廷。(尹翁歸傳)方
見柄用。(谷永傳)不知。(敘傳)鄉者。(張耳傳)專心墳
典。(馬援傳)博貫六藝。(章紀)通古今之誼。(儒林傳)
以揆當世之變。(劉向傳)努力爲諸生學問。(翟方進

傳)未有高焉者也。(韋賢傳)起家。(劉歆傳)甲科。
(匡衡傳)當天下多事。(西域傳)德器自過。(杜周傳)
不希旨苟合。(孔光傳)時有奏記。(朱博傳)手自牒書。
(薛宣傳)居無何。(李廣傳)天子有詔。(匈奴傳)使持
節。(荀彧傳)東游會稽。渡浙江。(項羽傳)選豪俊。舉孝
廉。(武紀)崇化厲賢。(儒林傳)稱述品藻。(揚雄傳)彬
彬多文學之士矣。(儒林傳)是歲。(溝洫志)乘軺傳。
(申公傳)入楚。(項羽傳)察風俗。(魏相傳)修經學儒
術。(宣紀)增博士弟子員。(儒林傳)文章爾雅。(儒林
傳)角材而進。(賈誼傳)其有茂才異等。(武紀)卓行
殊遠者。(霍去病傳)莫不拔擢。(揚雄傳)以厲其餘。
(朱雲傳)閒不一歲。(伍被傳)至於蜀都。(司馬相如
傳)未及下車。而先訪儒雅。(儒林傳)興廉舉孝。(武
紀)遣詣京師。(成紀)又修起學官於成都市中。(文
翁傳)能通一藝以上。(儒林傳)得受業如弟子。(儒
林傳)士有被容接者。名爲登龍門。(李膺傳)於是諸

儒始得修其經學。(儒林傳)是後外事四夷。(食貨志)日敦煌至遼東萬一千五百餘里。(趙充國傳)以與戎界邊。(匈奴傳)北夷頗未輯睦。(武紀)使外國者。(西域傳)頗增其約。(匈奴傳)公曰。(五行志)朔方。(食貨志)最爲疆國。(西域傳)非可以仁義說也。(匈奴傳贊)然不可使隙。(匈奴傳)定地犬牙相入者。(趙佗傳)其勿許而辭之。(匈奴傳)條對。(梅福傳)天子遣使。(食貨志)除前事復故約。(匈奴傳)晉陽。(地理志)股肱郡。(季布傳)被山帶河。(婁敬傳)據勢勝之地。(諸侯王表)歲比不登。(成紀)赤地數千里。(夏侯勝傳)元元困乏。(翼奉傳)公至。(循吏傳)轉旁郡錢穀以相救。(元紀)數下恩澤。(黃霸傳)蠲削煩苛。(王尊傳)舉錯曲直。(元紀)信賞必罰。(宣紀)壹切治理。威名流聞。(趙廣漢傳)當是之時。(徐樂傳)西南外夷。(叙傳)便於用舟。(朱買臣傳)通商賈之利。(匈奴傳)船交海中。(郊祀志)百粵。(高紀)爲九州膏腴。(地理

志)處近海。多犀象毒冒珠璣。(地理志)異方珍怪。(梁冀傳)四面而至。(西域傳)南海番禺。(地理志)咸樂開市。(匈奴傳)朝議。(盧植傳)以公可屬大事當一面。(張傳)天子詔。(匈奴傳)浮海從東方往。(西南夷傳)宣國威澤。(皇甫規傳)問民所疾苦。(循吏傳)爲民興利。務在富之。(召信臣傳)其於技巧工匠。(宣紀)便器械。積機關。(藝文志)運籌算。(貨殖傳)窮智究慮。(藝文志)伐材治船。(嚴安傳)雲合電發。(揚雄傳)以通(溝洫志)殊鄰絕黨之域。(揚雄傳)有越裳。(南蠻傳)爲樓蘭所苦。(西域傳)殺屬國吏民。(段穎傳)唐突諸郡。(段穎傳)三邊震擾。(楊震傳)此誠忠臣竭思之時也。(朱邑傳)公運獨見之明。(王莽傳)遠撫長駕。(司馬相如傳)爲諸軍節度。(西羌傳)更選有勇略仁惠任將帥者。(南蠻傳)軍士皆言願屬大樹將軍。(馮異傳)識邊事。(王霸傳)若馮。(馮岑賈傳論)建節銜命。(寇恂傳)卽率所屬馳赴之。(段穎傳)身當矢石。(段

穎傳)戰一日數十合。(李陵傳)殺傷大當。(霍去病傳)於是樓蘭(西域傳)怖駭。交臂受事。(司馬相如傳)即西北遠去。(匈奴傳)厥功茂焉。(宣紀)粵與楚接比。(地理志)久之。(龔遂傳)調補(匡衡傳)於湖(郊祀志)南北。(地理志)亦善其政教。(衛颯傳)表賢顯善。(王尊傳)觀納風謠。(循吏傳)諸儒往歸之。(儒林傳)傳業者寔盛。(儒林傳)乃更修黌宇。(儒林傳)立精舍。(包咸傳)凡所造構二百四十房。(儒林傳)修道橋。(南蠻傳)受南北湖。(地理志)水園宮垣。(郊祀志)醴泉流其唐。(揚雄傳)臺閣周通。(梁冀傳)高明廣大。(董仲舒傳)費以億萬計。(司馬相如傳)既成。(京房傳)立五經博士。(儒林傳)選高才生。(翼奉傳)明經飭行者。(文翁傳)褒衣博帶。(程不識傳)委它乎其中。(儒林傳)所以網羅遺佚。(儒林傳)宣明教化。(黃霸傳)皇皇哉斯事。(司馬相如傳)惟念夷狄之爲患。(匈奴傳)贊)通難得之貨。(貨殖傳)利於市井。(貨

殖傳)泉刀布帛之屬。(食貨志)鮮能及之。(宣紀)浸淫日廣。(食貨志)靡敵國家。(嚴安傳)憂慮不二三歲而已。(趙充國傳)其已事可知也。(賈誼傳)故善爲天下者。(食貨志)備物致用。(貨殖傳)因時之宜。(西域傳)立成器以爲天下利。(貨殖傳)諸作有租及鑄(食貨志)盡籠天下之貨。(食貨志)以追時好而取世資。(貨殖傳)而萬物不得騰躍。(食貨志)天子聞之。(李廣利傳)欣欣以爲然。(張騫傳)江南地廣。(地理志)民殷富。(寶融傳)東濱大海。(東夷傳)南近諸越。(嚴安傳)有三江五湖之利。(地理志)亦一都會也。(地理志)先是(揚雄傳)朝鮮民犯禁。(地理志)東夷橫畔。(揚雄傳)有倭人。(地理志)習於水鬪。(朱買臣傳)發兵數萬。(匈奴傳)爲寇災不止。(西南夷傳)天下騷動。(李廣利傳)朝廷憂之。(朱暉傳)公(循吏傳)督軍。(皇甫規傳)把旄杖鉞。(五行志)乘江東下。(班固傳)廣設方略。(皇甫規傳)重其購賞。(西南夷傳)

激揚吏士。(吳漢傳)以羽檄徵天下兵。(高紀)義憤甚矣。(逸民傳)於時言事者。(元紀)以爲海內虛耗。(明紀)而外累遠方之備。(嚴安傳)又恐他夷相因並起。(趙充國傳)非所以安邊也。(嚴安傳)議羈縻之。(匈奴傳)使曲在彼。(匈奴傳)豈古所謂懷遠以德者哉。(西南夷傳)楚地方五千里。(西南夷傳)公之所居。(韓彭傳)仍歸總擊。(刑法傳)以鹽鐵緡錢之故。(食貨志)山澤之利未盡出也。(龜錯傳)迺更請郡國。(食貨志)卽鐵山鼓鑄。(貨殖傳)冶鑄炊炭。(食貨志)有機有樞。(敘傳)自造白金。(食貨志)鑄錢。(鄧通傳)其文龍。(食貨志)直千。(食貨志)直五百。(王莽傳)直三百。(食貨志)二百。(地理志)直百。(地理志)直五十。(王莽傳)是爲銀貨。(食貨志)費數十百鉅萬。(食貨志)常以此爲國家大務。(揚雄傳)所以制四夷安邊足用之本。(食貨志)朝有所聞則夕行之。(張衡傳)習算事。(宣紀)興功利。(食貨志)月異而歲不同。(賈誼

傳)運情機物。(張衡傳論)民得利益焉。(衛颯傳)公(五行志)才兼文武。(盧植傳)忠清直亮。(陳蕃傳)國家重臣也。(張湯傳)朝廷每有四夷大議。(趙充國傳)常佐天子興利除害。(龜錯傳)宣布恩澤。(董卓傳)懷柔異類。(宋宏傳)改制度與天下爲更始。(司馬相如傳)設誠於內而致行之。(董仲舒傳)然束脩厲節。(袁紹傳)不可干以私。(尹翁歸傳)歲時但共紙墨。(后紀)扶微學。(章紀)延天下士。(儒林傳)能通一經者。(儒林傳)稱之皆不容口。(袁盎傳)訓辭深厚。(儒林傳)及揆事圖策。(王褒傳)夙夜思惟當世之務。(蓋寬饒傳)小心翼翼。(安紀)展無窮之勳。(敘傳)立功名於天下。(司馬遷傳)聲聞鄰國。(司馬遷傳)天子甚尊任之。(王商傳)故能惠此黎民。(韋賢傳)躋之仁壽之域。(王吉傳)詩云宜民宜人受祿於天。(刑法傳)泰誓曰立功立事可以永年。(郊祀志)盛矣哉。(蕭曹傳贊)慶流子孫。(樊鄴傳贊)聲施後世。(蕭曹傳贊)

雖皋夔衡日密勿之輔（班固傳）殆無以過也。（孔融傳）生等（宣紀）囊牖繩樞之子（賈誼傳）不能褒揚萬分。（谷永傳）比年（宣紀）肄業筦弦之間。（禮樂志）摳衣登堂（王式傳）說師法（魯丕傳）廣異義（章紀）被風濡化（揚雄傳）幸得遭遇其時（王吉傳）誠思畢力竭情（班固傳）以揚鴻烈而章緝熙（揚雄傳）書不能文也（張敞傳）謹就所聞見言之（司馬相如傳）撮其旨意（藝文志）以述漢書（敘傳）而爲之敘（藝文志）

劉蔥石屬校宋本景德傳燈錄睦州陳尊宿章次云（按陳尊宿唐咸通時人）師喚焦山近前來又呼童子



取斧來童子取斧至云未有繩墨且斫蠹師喝之又喚童子云作麼生是你斧頭童子遂作斫勢師云斫你老爺頭不得老爺之稱謂自唐時已有之

曩寓京師嘗謙集宣武門外半截胡同江蘇會館院落絕修廣徧地織草如罽名鋪地錦時屆暮春著花五色每色又分濃澹數種或一花具二色三色或併二色三色爲一色如茶綠雪湖之類殆不下數十色風偃激紋蹙繡彌望當時絕愛賞之景德傳燈錄涿州紙衣和尚章次云（按和尚亦唐人）初問臨濟如何是奪人不奪境臨濟曰春煦發生鋪地錦嬰兒垂髮白如絲此草絕佳自唐時已有之不見於題詠與記載何也（未完）

文苑

文

船山師友錄叙

陳三立

紋曰周衰七十子之徒既歿道術壞散戰國之際縱橫
 性迂之變益紛然淆亂莫可統一漢興表章六藝儒生
 朋興掇拾大誼越千年而有宋鉅儒出益究其說道寢
 彰顯矣其後頗復替亂寢失其真元明以降代承其弊
 國家肇基黃氏顧氏之倫迺倡言復古綜覽百代廓絕
 流冗厥風大醇然其所明典章文獻制作道法之迹而
 已而大道之要微言之統未暇明也于時衡陽船山王
 先生並世遺老抗其孤負卓犖之心上契聖典旁包百
 氏蒙者發之滯者通之天人之蘊教化之紀次第昭列
 自孟荀朱子以來道術之備于斯為盛顧其書久而後
 顯越二百有餘歲鄉人湘陰郭侍郎嵩燾始尊信而篤
 好之以為斯文之傳莫大乎是而吾友羅君正鈞亦承

侍郎之風勤一世以盡心于先生之書者也始補輯年
 譜若干卷今復輯先生交游終始所關為師友錄凡十
 有七卷維夫師儒之守炳于周代莊荀韓非呂覽於老
 墨之徒類載其傳述淵源使可識別史遷仲尼弟子列
 傳益復燦然漢世經生尤重師法儒林傳授受所出咸
 具首尾厥後羣輔錄別傳淵源錄學案之等派別滋繁
 不可殫記是錄所託略依其義而頗相出入其用力之
 勤有過人者獨以謂先生亡國羈孤窮荒晦昧與世睽
 絕然是錄所攷列尚百五十有一人孔子曰德不孤必
 有鄰益以推知鳥獸不可同羣之誼昭著明白自天地
 剖判以來遭極窮變亦無能絕類離倫孤成其學自放
 於人紀之表而士生季晚發憤幽隱私淑其人不可復
 見于是話言之所及杖履之所接皆若震動恪恭愾慕
 流連莫能自止蓋攷其德而知其世網羅前聞懷其舊

俗賢人。君子進退離合。流風餘思。有在於是者。詩曰。我思古人。俾無訛兮。太史遷曰。附驥尾而名益彰。非附青雲之士。惡能聲施後世哉。是羅君爲書之志也。

諸家評點古文辭類纂序

林紓

總集昉於文選。梁以前未有也。昭明剏立體例。法嚴而律精。迨宋之文苑英華出。始舍精而貴多。凌雜失統。柳宗元、白居易、權德輿、李商隱、顧雲、羅隱諸人。至全卷收入。姚鉉輯唐文粹。始剏刈繁蕪。師承穆修、柳開一派。而獨孤常州乃列爲正宗。顧衡以退之尙有閒也。燕許宗漢京四傑尙駢儷。置韓柳李孫四公於全唐文中。翹然莫肖其類。顧非深于文者。亦不能別自是以來。呂祖謙之宋文鑑。蘇天爵之元文類。程敏政之明文衡。出謂之備列三朝文人之文。可也。謂之鑒別三朝文格之精。不可也。蓋必深於文者。始能去取古人之文。若徒備數而取足。則梅鼎祚之文紀。合東西晉南北朝而盡錄之。直彙書耳。寧復謂之選本。故茅鹿門之選八家。失之濫收。

儲同人之繼選八家。亦未必得其傳作。獨惜抱先生沈酣于古文。近六十年。獲成是書。心力瘁矣。蜀中趙堯生侍御稱是書爲姚氏學。余曰。惟姚氏始有是學。他氏惡能有者。姚氏之文。近於歐。歸夫歐。非學韓者耶。韓之變化。不可方物。歐則出之以冲融。顧外融而中矯。如送徐無黨南歸序。其中化單而偶。化偶而單。迹象渾然。讀之不辨其爲韓。然其潛氣內轉。固能韓也。震川沈厚。不及歐。而因事設權。能不自襲其舊。是亦解變化者。惜抱則綜二氏之長。潛其脈而永其趣。脈潛則不見其債。張趣永則彌覺其淵。遂迨所謂陰柔之文也。凡文近於陰柔者。恆沈深而善思。故亦精於鑒別。韓之文。崇義而履忠者。凜乎其陽剛也。叙哀而述情者。粹然其陰柔也。而歐公則寓陽剛於陰柔之中。惜抱近歐而慕韓。故集中所選韓文特多。歐次之。凡余平日所愜於韓歐者。惜抱則皆錄之矣。黎氏王氏均有續集。黎則古今雜收。而不審擇。王本專收近人。而桐城之弟子爲多。幸皆不悖於法。

然其行世仍不如姚選之盛。吾友徐州徐君又錚。崇禮姚氏全集已一一加墨。且集諸家評語。標之眉間。間亦出以己意。又錚韜鈴中人。而篤嗜古文如此。較余之駑朽為甚矣。夫文評始於典論。次則摯虞之流別。劉勰之文心雕龍。然皆自成一集。至宋明諸老。則務求深解。好作高談。非毀前人。毛舉細事。用矜其識。又錚均不以爲可。其刊成是篇。蓋發明古人用心所在。用以嘉惠後學者。嗚呼。天下方洶洶。又錚長日旁午于軍書。乃能分其餘力以治此。可云得儒將之風流矣。

詩

青島題潛樓讀書圖

陳寶琛

三年一面九迴腸。樓外滄塵恐又揚。四海曾無牀可坐。羣書容有壁能藏。元黃龍戰今方始。瀟晦雞鳴古所臧。大好家居猶自壞。枝棲萍寄事尋常。

海藏樓雜詩

鄭孝胥

遺山求修史。自謂忠於金。委蛇貴臣間。枉尺豈直尋。碑

版。諛。佐。命。降。辱。良。已。深。致。書。于。耶。律。薦。引。誠。何。心。後。來。託。國。史。蒙。面。羞。儒。林。實。彼。階。之。厲。流。毒。方。至。今。諒。哉。謝。山。語。堪。作。俗。士。箴。(鮑琦亭集外編云云)

五載居海濱。避秦幸有此。士夫稍奔集。偷活賢轉徙。鬻字聊自存。俯蓄繁食指。同年互弔唁。屈指八九子。諸公各厲節。可敬亦可喜。所嗟負君國。碌碌何足齒。吉甫真包胥。義烈誰與比。當年登科錄。寶祐照青史。吾儕盍交勉。牖下非善死。(示壬午同年會諸君)

題顧端文公闈卷遺蹟

前人

明人重科舉。講學頗標榜。相將厲風節。舉世畏朋黨。名教實賴之。功烈在天壤。涇陽起東林。遂爲一時仰。與明相終始。殉道矢不枉。是誠制義力。士氣可倚仗。我哀同光間。時文太流蕩。四書屏不讀。惡札競摹仿。物窮識將變。天地始擾攘。國隨八股亡。萬事付鹵莽。端文留此卷。發解獲奇賞。年纔二十三。意氣何倜儻。老夫憶少年。偶合益神往。(余壬午領解亦二十三歲)義不事孝欽。積

恨餘惘惘。猶存舉業稿。後世誰見想。世亂驗人心。空悲道消長。

晨起望循江諸山旋抵九江易舟渡湖泊姑塘

陳三立

滿窗弄影。山變滅。安可擬。遙樹挂微晴。蒼蒼界煙水。引頸馬當黑。插眼小孤詭。際天明。雲嵐巨廬秀。南紀延輝。獻城堞攢岸。人如螳。就跳犯湖舟。搖兀玄霧裏。五峰吐石氣。鷗情澹千里。余懷哽舊歷。沈纍恍移指。謂故友李薊垣。夏舒堪溺沒處。蛟魚或騎出。冷向濤瀾語。泊依巖市。鐙風闊角聲起。

范秋門客死濟南悼以此詩

前人

通州三范。今都盡。飛淚迷茫。江海間。兄弟忍思。能我厚妻孥。猶說待君還。政聲世許文名副。酒德天慳石隱閒。飲恨兵戈阻舟楫。和歌永負訪碑山。

次韻答乙盦寄懷

前人

曙啼苑樹。隔東西巖脚。溪層我亦栖。稍倚楚騷將耿介。

苦疎秦俠。與提攜。霽銜春冷。初英歇。魂聽風過。萬竅齊。緩帶重尋草。玄宅親摩。四揲問端倪。

湖莊曉起

俞明震

臥聞菰蒲聲。梳櫺覺風入。滅燭延曙。光荷邊有微月。溼螢飛。漸稀陰陰。一湖白。老夫常早起。顛倒忘厯日。但覺春風時。看看看到暑。末此時。東方高水禽。先聒聒。清露不盈頭。世事如亂髮。暫避眼前人。終愁秋後熟。安得濃淡山。盡變滄溟色。

同伯嚴後湖觀荷

前人

城頭紫烟低。城背莽蕭瑟。江山不滿意。萬荷補其隙。初花弄光影。顛倒一湖葉。繁聲疑雨來。微涼散空闊。小艇不容篙。跌坐波平膝。欹岸出荒洲。稍見兵火迹。當年岸幘處。廊室積潦入。倒影兩禿翁。風亭坐超忽。清香滿殘照。綠意上鳥翮。遺世渺愁予。見汝亭亭日。溟渤非不寬。萬事在眉睫。

題姚叔節所藏沈石田山水長卷

胡朝梁

我家山水間。生就山水眼。廿年困奔迫。曾未坐席煖。豈無歷覽娛。得似吾鄉鮮。何圖故山居。峴屺入畫本。峯巒勢無盡。溪流意自遠。仿佛石塘河。兩三橫。舸。隔嶺。卽吾家。蓬門疑可款。又如夢中情。宛然束身返。平居思爛熟。及時老崖巘。益切歸田心。可待春作伴。姚髯工爲文。如山無平衍。常言浮渡勝。要約從游宴。人情愛鄉土。溢美或不免。吾亦愛吾廬。宿言終一踐。

上元公園

前人

到眼上元日。始知春我春。茶香温客坐。花影隔車塵。哀樂中年慣。嬋娟舉世親。何須更秉燭。同是夜游人。

投効後送姬人先歸

王允哲

生世有百役。居官賤者倫。貧來冒賤事。既賤未免貧。回頭問所得。銖兩亡千鈞。半年一夢了。送汝寧沾巾。鄉邦重田作。時節盤食新。汝歸空庖側。取水酬汝脣。蓬蒿出日月。亦有昏與晨。藥餌大婦狎。書冊諸孫陳。隨宜得將護。有喜無悲嗔。猶勝閉板閣。惻我秋蟲呻。歸歟我未遠。

江路方熟蕪

五月十二日偕單程二兄詣靄如先生信宿而返

靄如意有未足用東坡韻追寄索和依次答之

前人

早衙鵝雁聲。喧呼晚鼓蚤。蝨緣牀。隅。遣之。不去聽。其擾。祓以甘寢。冥於無南風。吹竹來笙竽。告我睡起煩。僕夫參差二子步。相及狂笑不用雕鞍扶。到門洗足坐溪石。月出共數喬松鬚。兩宵得此意已足。顧乃懟我愚而迂。清風頰上邈千載。欲比陳趙歐陽蘇。古人作官亦作夢。夢事非久難暖。姝報公此詩筆在手。置筆便已亡。今吾朝朝見面且安用。不如魚樂忘江湖。

題李範之太守江亭餞別圖卷

鄭孝樾

旁人餉我趙州集。絕歎幽深逼四靈。執手何緣過鵲岸。披圖如夢落江亭。十朝名士閒中老。一角西山恨裏青。未合孤吟損神志。約君來日叩禪扃。

趙家園桃花與劍丞同賦并用原韻

諸宗元

裘帶可解。湖風喧。看花不樂。拘庭軒。出遊已歎。日過午。
呼君共踏山南村。趙家園子。桃獨盛。跗萼紛溢。枝根繁。
百步以外。果何見。人疑原澤。同焦燔。高柯燭空。駭慄怒。
低花敷畝。隨颺翻。園丁揮鉏。不顧客。視此直是桃花源。
主人好事。歲不至。今賴過客。稱名園。行春一橋盛。趙宋。
樓扉柱礎。何無存。東風爛熳。讓羣卉。以彼喻此。他何論。
世間萬事。有消息。杏李今看。閤無色。歸輿不忍賦。春遊。
道左饑羸。方乞食。

寄懷端甫證剛南昌

張爾田

四海眞成彌戾車。雷陽風景近。何如兩年不見。思玄布。
頭白匡山好讀書。

支公說法味醞醞。可肯來從謝孝談。五甑一河分飲盡。
却教孔子出毗曇。

如如不動本難思。安用多聞號總持。四十年來成一量。
劬勞應笑勝軍師。

周生孔業晚無成。馬廐談經眼。暫明乞得楞伽懸。肘後。

絕勝天竺古先生。

鬪寶五百各分鑣。慚愧聲聞酒未消。我自調心干底事。
香爐古廟一枯瓢。

聞道匡廬五老峯。遠公精舍對杉松。攢眉他日從君去。
可許安禪制毒龍。

階前去歲種山藥今歲苗復生

夏敬觀

弱苗纔尺許。青青葉如翦。偶因故地。茁得避行步。踐種。
植豈有法。生理良非淺。平生坐無餘。雖劬食不腆。曷若。
障簾翁勤動計。可免一耕。遂歲穫此物。蓋已鮮。

雲峯寺山顛亭同眞長遊

前人

君豈無所見。而以我爲導。層梯上峯顛。腐擇溼未掃。湖。
光盡在日羣鳥。晚且噪。山梅子青青。花時君已到。

小說攷證卷一

(續前號)
(禁止轉載)

諸暨蔣瑞藻孟潔輯

西廂一記。李日弩以北賡南。可稱輕妄。猶之臧晉未刪訂四夢。將元本佳處。反多掩沒。不免斷雀續鳧之誚。(關隴輿中偶憶編)

普救寺在山西蒲州。與文昌閣隔坡。志云。寺有窳堵波。合塼成之。于地擊石。有嘯若吠蛤。過其地。因觀焉。寺甚古而不宏闊。志所謂明初并廣化旌勛。臧海乾明四寺入焉者。蓋皆傾圮无有矣。寺外西偏有浮屠。高十三層。當卽西廂記所云日午當天塔影圓也。塔葺丈餘地。有微凹。塔后亦狀。蓋瓦石撒久。扞致。試目石撒凹處。有嘯出塔中如巨蛙。土人不知空谷之應響也。豕目爲塔中。有大蝦蟆精矣。狀擊前地則嘯。在塔底。擊後地則嘯。在塔頂。葺后上下。所應不同。理未可解。寺建于隋代。塔脩于明嘉靖十三年。塔上有宋刻陀羅尼經。蓋宋時亦重修之。小兒輩欲聞蝦蟆嘯。日以瓦石撒塔。經字漫漶矣。

按志云。寺唐時名西永清院。五代漢遣郭威討李守貞于河中。周歲城未下。威召院僧問之。曰。將軍發善心。城卽克矣。威折箭爲誓。翊日果破。乃不僂弋人。因改院曰普救。是普救之名。五代始有。西廂記作於金章宗。崑董解元。故僞普救。何以元稹作會真記。已有普救之名。(竹葉亭雜記)

西廂傳奇。河中有普救寺。畫墁錄。郭威帥河中。逾年。登蒲坂。以望城中。憤蒲民固守。曰。城開日。當盡誅之。幙府曰。若狀守愈固矣。弟告之曰。誅守城者。餘皆免。城旣開。乃卽其地爲普救寺。蒲志云。舊名永清院。院僧與郭威約。城克之日。不戮一人。因改名普救寺。二書大全小異。狀寺名寔始五代。傳奇段以成文耳。(池北偶譚)

周亮工書影云。輝縣褚工。去百泉四十里。旁有白馬將軍祠。土人多崔姓者。岸又有鄭邨。有于褚工演崔鄭傳。

奇者。士人訟之官。此與兩般秋雨。隨筆所載。西門氏潘氏。以污蟻其先世成訟事相類。烏有子虛。而迺有自認爲其雲仍者。何也。（茶香室續抄）

宋趙德麟侯鯖錄。載王性之傳奇辨正。乃徵明元微之。扈作傳奇。張生崔鶯鶯事。張生卽其自寓也。又載商調。蝶戀花詞。先有叙略云。夫傳奇者。唐元微之所述也。至今士大夫。无不舉此以爲美話。惜乎不能比之以音律。故不能播之嘖樂。形之管絃。今因暇日。詳觀其文。略其煩褻。分之爲十章。每章之下。屬之以詞。又別爲一曲。載之傳前。詞曰商調。曲名蝶戀花。句句言情。篇篇見意。奉勞歌伴。先聽格調。后聽蕪詞。按全文凡千餘言。將會真記元文。分爲十章。各系以詞。而傳之前。別爲一曲。傳之末。復綴一曲。故爲詞十有二。此乃南北西廂之先河也。今西廂記膾炙人口。而此詞則知者鮮矣。因備錄之。至會真元文。人所共知。故不載焉。

麗質仙娥生玉殿。謫向人間。未免凡情亂。宋玉牆東

流美盼。亂花深處曾相見。密意濃歡方有便。不奈浮名。旋遣輕分散。最恨多才情太薄。等閒不念離人怨。

錦額重簾深几許。綉履彎彎。未著離朱戶。強出嬌羞都不語。絳唇頻掩酥胸素。黛淺愁深妝淡注。怨絕情凝。不寫聊迴顧。媚臉未勻新泪污。梅英猶帶宵朝露。

懊惱嬌娘情未慣。不道看看。役得人腸斷。萬語千言都不管。蘭房跬步如天遠。廢寢忘飧思想徧。賴有青鸞不比憑魚雁。密寫香牋論繾綣。音詞一帶芳心亂。

庭院黃昏春雨霽。一縷深心。百種成牢繫。青翼驀狀來報喜。花牋散論相容意。待月西廂人不寐。簾影搖光。朱戶猶慵閉。花動拂牆紅萼隊。分明疑是情人至。

屈指幽期未恐誤。恰到春宵。明月當三五。紅影壓牆

花密處。花陰便是桃源路。不謂蘭誠金石固。歛袂
怡嘖。恣把多才數。惆悵空回誰共語。只應化作朝雲
去。

數夕孤眠如度歲。將謂今生會合終無計。正是斷腸
凝望際。雲心捧得嫦娥至。玉困花柔羞口泪。端麗
妖嬈。不與前時比。人去月斜疑夢寐。衣香猶在妝留
臂。

一夢行雲還暫阻。盡把深情綴作新註句。幸有青鸞
堪密付。良宵从此無虛度。兩意相歡朝又暮。不奈
郎鞭。暫指長安路。最是動人愁怨處。離情盈把終無
語。

碧沼鴛鴦交頸舞。正恁雙棲。又遣分飛去。洒翰贈言
終不許。援琴請盡奴心素。曲未成。嗒先怨慕。忍泪
凝情。強作霓裳序。彈到離愁淒咽處。絃腸俱斷梨花
雨。

別後相思心目亂。不謂芳音。忽寄南來雁。却寫花牋

和淚卷。細書方寸。信伊看。獸寐良宵。無計遣。夢裏
依稀。暫若尋常見。幽會未終。魂已斷。半衾如煖。人已
遠。

尺素重重封錦字。未盡幽閨。別后心中事。佩玉綵絲
文竹器。願君一見知深意。環欲長圓。絲萬繫。竹上
斑斕。總是相思泪。物會見。郎人永棄。心馳魂去。人千
里。

夢覺高唐雲雨散。十二巫峯。隔斷相思恨。不爲旁人
移步嬾。爲郎憔悴羞郎見。青翼不來。孤鳳怨。路失
桃源。最會終無便。舊恨新愁。郵計遣。情深何日。情俱
淺。

鏡破人離何處問。路隔銀河。歲會知猷岸。只衍近來
消瘦損。玉容不見空傳信。弃擲。弃歡殊未忍。豈料
盟言。陡頓無憑準。地久天長。終有盡。絲絲不似。無窮
恨。(茶香室叢鈔)

錦西廂第四

會真記。鶯鶯既委身于人。張生往訪。曰詩絕之云。自從銷瘦減容光。萬轉千迴懶下牀。不爲旁人差不起。爲郎憔悴却羞郎。他書有云。鶯鶯所嫁卽鄭恆者。周公魯譔。錦西廂。截艸橋。目后數折不用。言鶯鶯未嘗違鄭。紅娘寔代之。詩亦紅作。嫁名鶯鶯者。最記其略。亦風流一語。枋也。琪宿少橋客店。夢與鶯鶯敘別。受孫飛虎之侮。及覺。與琴童言。琴童亦夢鄭恆大魁。敝取崔氏主婢。琪欲折回。琴童力勸阻之。至京遂病。攷官白居易。以月明三五夜。爲詩題。琪不任搆思。錄鶯鶯待月西廂下之什。少中完弓而出。竟落第。鄭恆哀狀中狀元。奉勅與崔氏完昏。藥傳至蒲。鶯鶯誓死不渝。盟紅娘請于夫人。願目身代。夫人潛攜女遁之博陵。琪既不第。回普救寺訪崔。抵西廂。門庭寂狀。法本法聰俱它出。小沙彌不知委曲。但云崔已適鄭氏而已。琪惘狀自失。還宿少橋。思詣恆所。與鶯鶯訣。未決也。先是孫飛虎爲杜確誅死。其妻哨聚如故。嗚伏虎女將。欲復夫仇。甘心于琪。至是聞琪還。引

卒圍普救寺。適琪已行。崔家亦无一人在窮搜亡履。尋僅畫扇一柄。乃鶯鶯所撫。張生小影。伏虎見而悅之。欲劫去以爲夫。復赴艸橋。圍店大索。琪恐將自裁。琴童易琪衣冠出見。琪得遁去。而伏虎夜醉。不及細察。遂與狎。及明視之。不與畫中人類。詰得其寔。大怒。欲飲日刃。旣念夜來已定情矣。天也。竟委身事之。奉爲盜魁。琪旣脫。則往訪恆。自稱與崔氏外兄弟也。恆館之。而自赴宴去。紅娘聞琪至。舊妝出。不言代嫁事。唯讓琪來遲。致渝前約。袖出自從消瘦。減容光一管。言奉鶯鶯命與君者。且趣速去。翩狀而入。不復再見。琪恚甚。辭恆入京。往投白居易。蓋素相知者。居易許爲之地。會德宗有意搜落弓。得琪詩。賞之。問居易頗識其人。不對。曰適主臣召見。用前題命作古詩。傳旨賜進士及第。因奏鄭恆強敝其妻。詔居易審詢。恆殊茫茫。狀目問紅娘。紅娘云。无之。奈何聽妄人言。恆恨琪甚。時吐蕃入寇。喉張延賞。日將才薦琪往討。琪文士。素不習軍旅事。爲吐蕃所困。幾不免。琴童

聞之。與妻七絃帥師解其圍。大敗吐蕃軍。捷聞。居易甚喜。益欲詰崔鄭事。紅娘度不能隱。具以語恒。居易以聞。詔鶯鶯歸于琪。琪遣琴童如博陵迎崔母女。始復與鶯鶯相聚。恆亦攜紅娘來謁。老夫人認爲母女焉。按會真記。張文戰不利。遂止于京。歲餘。崔委身于人。張亦別有所娶。后因其夫言于崔。求日外見。崔不許。潛賦一詩云云。授之。劇中紅娘代嫁。張生往訪本此。元稹譔記。張君瑞固其自寓。白樂天元與微之交好。公魯因牽連及之。日供點染。張延賞之相。在德宗中葉。元白登仕籍。亦已相及。其云會作賦的楊巨源者。記云。厝善楊巨源。好屬詞。爲賦崔娘。一絕云。清潤潘郎玉不如。中庭蕙草

雪消初。風流才子多春思。腸斷蕭娘一絕書。皆非漫狀引入者。特是崔張鴛鴦牒。究何預千百年后人事。乃強爲之作撮合山哉。文士好事。大可笑爾。(閒居襍綴)


不了緣第五

西廂各種皆衍崔鶯鶯張君瑞完配。蓋據會真記前半。而翻易其後半也。有作不了緣傳奇者。則日鶯鶯遶鄭恆。而崔張爲不了之緣。西廂面目。始全改矣。觀棄置一詩。有憐取眼前人之句。則是元稹已娶韋氏之后。其詞雖怨。而相戀之意。殆猷未盡。不了緣之名。所謂招因帶果。又添一種公案也。(同上)

(未完)



內 外 時 報



參觀上海盲童學堂記浙江楊賢江

民國五年八月九日下午一時三十分。江蘇省教育會暑期補習學校同學二十餘人。由朱少屏先生介紹。前往憶定盤路盲童學堂參觀。既至。校長傅步蘭先生(傅蘭雅博士之公子)降階相迎。引導入室。則見手工成績。盈案滿架。檢其種類。有折紙組紙(與普通小學初步製作相同)籐籃短褂(堂中有縫衽科)草帽緞線帶等。其中又以籐籃為最多。形狀大小亦不一種。實最適於實用者也。聞其製品為參觀人購去者已不少云。其時適有一生編籃底。用手甚為熟巧。室內並懸一木板製亞洲地圖。陸面略高洋面分許。以別海陸之界。洲中各國疆界。以連續凸點為記。重要地點。亦置一凸點。如是可一摩即知。又有硬片紙地圖及圖書模型。另用白洋紙照型印出。分給學生。其製甚巧。英文

月報中國古文。亦有凸字符以便誦讀。誰謂盲人不能博古通今哉。繼入唱歌教室。則見學生八人。分三列就坐。幼年不過六七歲。長則約十二三歲。倚依身材長短而異其高度。時彈風琴者為一二十餘歲之盲人。奏複音。手指運用頗正確。詢之則為漢口訓盲書院畢業生。至此地才六月云。唱時學生齊起立。聞之覺另有一種愉快之風。許者目不能視。而耳則聰。習樂實其擅長事。繼傅先生令一七齡學生彈鋼琴。不料纖纖小手。竟能彈數曲初步複音。詢其學歷。不過年半。習琴祇及六月。不亦難能可貴乎。又令立凳上。朗誦英文歌詞。亦甚純熟。於此不特見是兒之聰。又足證盲校教授之得法也。記者於此又有感者。則傅先生夫婦二人。一舉一動。一言一令。無不體貼入微。怡聲悅色。可謂深明兒童心理者矣。歌畢。令一生用寫字器寫字。當由朱先生讀中文數句。聞聲即以刺字之針。於置定之銅柱內

作點。(即寫字)迅速非常。續令他生讀之。稍行撫摩。即衝口而出。且頗的確。此生常用課本為商務印書館實用國文教科書第六冊。即於廢紙上印成凸字符號。於此又見利用之妙。繼令一生計算。而其運算之速。實不亞於普通小學之兒童。同時令他生心算。驗兩者答數。均無差誤。又令某君用打字機寫英文凸字符號。其後更用正式英文打字機。其迅速正確。與明眼人誠無以異。教育之力。不亦偉哉。後至膳堂。傅先生令六生作體操。亦照普通程序。先整隊報名。然後動作。時操啞鈴等。甚純熟。據傅先生言。已二月不操。則其練習功深可知。其時傅先生彈進行曲以代口令。竊以為盲者聞之。必更歡悅無量。啞鈴畢。繼以徒手。而用下肢之動作多。左右前後跳躍。學生非常高興。是蓋補救平日不多用足之意歟。後令翻筋斗跳凳。最後為疊人之戲。法以二人伏地。二人疊於其上。一如伏地之形。再一人雙足跪於二人身上。而上體直立。忽一令下。即倒下。仍立平地。此其舉動之敏捷之勇敢。恐普通小學兒童為之。亦不能有加。至是。參觀學生成績畢。乃周覽浴室盥洗室寢室廚房諸處。又於走廊向壁設一梯。上通樓。預防失慎時下樓之用。平日則恆練習之。參觀畢。復返至手工陳列室休憩。同人以其籐籃穿珠手工成績優良。多願購買。以作紀念。計共值代價八元之譜。先時已蒙傅先生惠贈盲童學堂報告書一本。此時又蒙分贈先生自著慎防目疾論。及保護嬰兒目光要法各一份。厚情高誼。殊可感也。時已四句餘。乃興辭而出。

梁任公先生第二次談話錄上海日報

本報記者與同業數輩。前度既晤梁任公先生。更訂後約。日昨復相偕造其寓廬。坐既定。同人雜致問訊。先生略為酬答。乃曰。余今欲與諸君廣續談國會之事。余以為今茲國會議員。當常提醒十二分之自覺心。兢兢業業。以臨於議場。蓋此次國會有成績與否。不獨為本屆國會生命所攸繫。殆即憲法將來生命所攸繫。更質言之。或即國家永久生命所攸繫也。試思此次國會。倘以無結果而下場。或得意外之惡結果以下場。則更有何道以發生第二之國會。今茲國會。譬之則單傳獨子。一綫之宗祧託焉。則國人所以愛惜之。與議員所以自愛惜。宜何如者。今議員中以優秀分子自命者。紛紛轉入行政界。不可謂非國會之不幸。蓋此種現象。無異議員自表示一種輕視國會之心理。以為國會不足以行吾志而盡吾才。乃亟亟顧而之他。不知此實最大謬見。雖在平時。國會與政府之職務。猶不能有所軒輊。况此次國會。其主要之任務。乃在行使國民會議之職權。以制定國命所託之憲法。較之在政府或在各省執行一局部一時之事務。其輕重豈可以道里計。今開議通常之法定人數。雖似無不足之慮。議憲法之法定人數。能否如額。實國人所共懸慮。夫此次國會之恢復。實以無量數人之血換來。國人曷為甘出此極重之代價。凡欲求產出善良之憲法。為國命民命之永遠保障耳。苟憲法終不能產出。則議員終何以謝天下。故吾謂議員諸君。就令對於行政上有絕大之抱負。總宜俟此次重要任務終了後。

徐圖發抒。其前此錚錚有聲之健者。尤不可輕於去就。致國會失其中堅。所望議員亟以此義互相責善也。

兩年來歐洲各國之國會。皆以國防議會之性質行之。故議案極稀少。至議決極敏捷。我國今雖無對外戰爭。而國家之危急存亡。實較現在諸交戰國尤為迫切。故今次國會。允宜採用國防議會之精神。議案愈少愈妙。近聞有緩舉副總統之議。鄙人極為贊成。乃至閣員同意。暫置為後圖。亦鄙人所深望。蓋鄙人所心營目注者。惟一憲法。甚望國會擺除百務。集全副精力以赴此大業也。但現時約法效力仍存。同意權不能不行使。則惟望大總統速將閣員提出國會。議員各以良心上正直之判斷。速了此著。此後庶不致復以對人問題。擾其神思。或可澄慮努力。以從事於國民所熱望之憲法耳。天壇之憲法草案。曾經咨送國會。今宜即以為議案。無庸別行起草。聞國會多數之意見。既認此程序為適當。最堪欣慰。天壇草案。幾經精心結撰。鄙人於大體上認為善良。惟仍有數大端。竊欲商榷者。

第一 一院制之主張

一院制與兩院制。各有得失。各國學者辨之甚詳。無待泛引。但以我國現在之國情。及前次經過之狀況論之。則兩院制之利益。絲毫不能得。兩院制之弊害。無一不備。蓋兩院議員。同在黨派之旋渦中。苟兩院而同以一派占多數耶。則結果兩院當同為一派意思所左右。所謂以上院調節下院之利益。終不可得。苟兩院各由一派占多數耶。則甲院所可。乙院否之。乙

院所可。甲院否之。兩院永不能一致。即議案無一能成立。兩弊有一於此。前途何堪設想。此不能謂標不黨主義。可以救濟也。憲政必恃政黨為運用。此無可逃避之公例。不黨者。一時之現象也。為國家制永久根本法。不能不計及將來。前舉兩弊。豈容輕輕看過。鄙見以為我國實無兩院之必要。若必設兩院者。則上院必須有特殊之組織。及特殊之職權。特殊之職權且緩論。所謂特殊之組織者。謂宜設法網羅國中特殊之勢力。使萃其中。堅於國會。然吾嘗百思而不得其法。蓋吾國現時社會之組織。本無所謂特殊之勢力。藉曰有之。則或非正常。或根柢甚淺薄。既不可網羅。亦無從網羅也。聞天壇起草時。頗有人力倡一院制。而參議院選出之起草員全體反對。此甚可笑。為國家制定永遠大法。豈容以個人現在地位之觀念。攪雜其間。豈惟不容有甲院乙院現在地位之觀念存。並不容有議員現在之地位之觀念存也。

第二 同意權之撤廢

同意權與責任內閣制。絕對不相容。吾於元二年間。已頻著論極言之。至今猶堅持此說。天壇草案。僅留一國務總理同意權。視約法已較為妥善。實則並此亦殊可不必。蓋以過去及現在之經驗觀之。總理任命。為事實問題。所左右者。什常八九。同意權雖規定。安見能圓滿行使之者。不過形式上經一無聊之程序已耳。當時規定此權之本意。實在防制袁氏。對人立法。無可諱言。今事過境遷。猶必斷斷焉以防制袁氏者防制永遠未來

之總理。實屬無謂。且亦安見其卒能防制者。要之國會之監督政府。實以不信任投票及彈劾。為最有力之武器。而同意權實與彼兩權不相容。故不如概行剷除之為愈。若萬不獲已者。則極其量。亦不過如天壇草案。僅以施諸總理。若如現制各部總長一一分別同意。則與連帶責任之原則。背馳太甚。萬萬不可也。

第三 解散權之規定

大總統解散國會權。與國會彈劾政府權。實相對為用。以舉責任內閣之實者也。我國憲法。若欲效美國之總統制。采內閣無責任之主義耶。則解散權誠為不必要。而彈劾權同時亦不容存在。若采歐洲各國責任內閣之通例。則此兩權必須同時規定。使雙方得救濟以極運用憲政之妙。此毫無疑義者也。論者或憂政府之濫用解散權。以摧殘國會。不知解散非摧殘國會。正所以鞏固國會。解散後經若干時日。必須重新召集。國會之榮光愈益發揮。何摧殘之有。若政府確有所自信。而國會與之相持。更無救濟之道。則悍者將如袁氏之激而橫決。黠者則舞文以遞於法外。其結果亦使憲法之效力漸趨麻木。二者有一於此。豈惟非國家之利。抑亦非國會之利明矣。且解散國會雖為憲法所許。而此非常之舉。何至濫用。非責任心甚強而法律觀念極貞固之政治家。必不肯出此。國中若有其人。當歡迎之不暇。何必防制為哉。天壇草案。規定解散權。深為合理。惟仍以須得參議院同意。略示限制。就過去現在兩院之情況論之。則惟有

解散衆議院之必要時。欲得參議院同意。殆為必無之事。則此條規定。等於廢紙。何貴有者。若鄙人所持一院制之說能成立。則參議院且不存在。同意權更無所麗矣。

第四 國會委員會之商權

天壇草案。有國會常置委員會之一機關。其員數為六十人。由兩院議員中選舉。國會中許多重要職權。當閉會時。皆由此機關行之。其用意良苦。其中亦自含有一種妙用。吾極承認之。但將來實行之後。是否得立法行政兩機關之調和。或緣此反增此兩機關之衝突。殊未敢知。且其中最重要之職權。如承認外交條約等事。經六十人參與。是否可以保秘密。尤宜注意。鄙意政府以外。別設一合議機關。使參與重要行政方針。原屬一種良好之作用。但其法律上拘束行政之力。不可太強。其應否列為憲法上之機關。亦當審慎研究也。

第五 審計院長平政院長之選舉

審計院平政院。為財政行政上之重要監督機關。若據純粹之法律理論。自以簡任為宜。為救濟現時政象起見。則兩長由選舉而出。保障實較為有力。鄙意宜各由國民會議選舉三人。呈大總統擇任其一。斯折衷妥善之制矣。

第六 省制當別以單行法規定

近來各方面盛倡省長民選之論。更欲規定之於憲法條文中。以求確實之保障。省長民選。吾數年前即不贊成。至今主張。仍無甚變。但可商量折衷辦法耳。他日常別為文專論之。至於將

此條列入憲法。則吾期期以爲不可。蓋憲法若涉及省行政問題。則必須另設省制一章。將省之性質與其機關之組織及權限。詳細規定。若此等事項。盡從省略。而惟將省長任命權。突然規定。未免不倫不類。然將省制全部規定於憲法。實不相宜。蓋憲法比較的宜含永久之性質。凡制度之常須因時變革者。宜勿攔入。以免根本法之常常搖動。我國「省」之性質。在法律上殊未明瞭。其理想的組織權限。煞費商量。而彼既有歷史上之根據。自不能以驟革。今方欲借助法制之力。使其性質。漸次蛻變。則所謂法制者。宜含有過渡的精神。萬不能以最完全之理想。逕行規定。致有不應時勢不能實行之病。然則用一時權宜之制。編入憲法耶。則又何必。故鄙意謂省制當以單行法。別爲規定。議員諸君。幸勿誤會。謂鄙人對於省長任命權之主張。與時流稍持異同。故欲在憲法中削除此項。須知卽以此列入憲法。吾之主張。亦安見其必失敗。萬一能得多數贊同。則吾所主張。得憲法條文加一層保障。寧非甚願。然而不欲者。實按諸理勢而覺其不可也。大抵將來之省制。宜與國會組織法。議員選舉法。會計法等。同爲憲法之附屬法。其效力僅次於憲法一等。如此亦可以極表鄭重之意矣。

其他關於憲法上之意見。若義務教育之當規定。緊急命令及緊急財政處分之宜有。外交條約宜使政府以外更有一機關參與同意等項。大約國會中多數意見。既已一致。故不復詳論。要之憲法爲國家根本永久大法。當討議制定之大任者。萬不可有絲

毫黨派利害個人利害之私見。摻雜其間。尤不可以矯制一時政象之故。借憲法以爲手段。蓋個人壽命甚短。國家壽命甚長。黨派之地位變動不居。法制之形式一成難變。一時政象之不良。惟當以政治手段救濟之。憲法之職任。在予政治以永久可循之常軌。若頭痛灸頭脚痛醫脚。非惟不能收救濟之實效。必緣此而他方面別生弊害。此不可不熟計也。議員諸君。當知今日乃以國民會議議員之資格制憲法。非以國會議員之資格制憲法。所制者爲國家永久之憲法。非此二二年內暫行之憲法。明乎此。則垂範之意多。防弊之意少。體國之念重。對人之念輕。庶可以產出良憲。以爲萬世之利矣。

抑鄙人竊有隱憂者。方今國命正危如累卵。眼前諸大問題。使吾儕困心衡慮者何限。而政客及輿論界。乃若無甚感覺。凡所接於耳目者。大率爲人的問題。而於法制問題。政治問題。若未或暇及。所謂人的問題者。或則汲汲於獵官運動。或則譏誣挑撥。如長舌之婦。蓋社會之惡劣根性。殆將全體暴露。何如割若干之光陰。分若干之心力。將懸於眉睫之諸大問題。略爲商榷。卽如憲法一端。試使以歐美日本之國民。易地以處。吾知全國所至。集會演說所討論。無非憲法問題。全國報紙所批評。無非憲法問題。議員相見晤語。無非憲法問題。可斷言矣。而中國乃一何寂寂也。又豈必與外國比較。卽視元二年之現象。蓋已不知退化幾許也。諸君皆有言論之責。望有以匡正之。先生此次傾談甚久。等於演說。同人以晷刻太長。不敢久勞。

更欲聞先生對於省制意見。及其他政治談。再訂後期而別。

美國無線電話之發明錄農商公報

近時通信機關之發達。一日千里。就中以電話及電話裝置爲最著。據最近報告。美國之無線電話。能於五千哩長距離之間。得爲確實通話。證於過去之歷史。實開斯業界之新紀元。當數年前。有無數學者。利用弧光燈交流發電機等之器械。於二三哩之短距離間。試行無線電話之通信。然因裝置之點。不甚完全。故以樂音通於空氣尙得明確聽取。若用無線電話之通話。則不甚了然。且長距離通話之要件。以送話器之能力強大爲準則。從來之微音機。因不能利用強力之電流。故不能得預期之成功。總之過去六七年間。無數學者。應用弧光周波數交流機等種種之形勢。爲試驗的研究。雖於數百哩長距離之通信。間有成功。或對於現今普通所使用之電話。亦與以多人之便利。然關於通話距離。無論依如何之形勢。未有超過千哩以上者。昨年九月二十九日。美國電話電信會社。由華盛頓起。經「彼得馬克」於「阿林克頓」官設無線電話局。與桑港附近海軍造船廠之間。計二千五百哩之長距離。行無線電話之試驗。得最完全明確之通話。近來又由「阿林克頓」之電話局至布哇真珠港高塔下所建設之粗造小屋。計四千九百哩。亦得明瞭通話之交換。總上以觀。不可不謂斯業界之新成功也。

至關於電話試驗所使用之裝置。其詳細情形。雖未至公表時

期。然其通話之有效範圍。非常廣大。如上圖所示。(圖略)以華盛頓爲中心。長五千哩之半徑畫圓。凡圈內之都市。均得通話。故其有效範圍。經大西洋而遠達於羅馬。維也納。聖彼得堡等處。再以美國無線電信局之一。即奚脫爾爲中心。用同樣之半徑劃圓。其範圍經過太平洋而達於日本之橫濱及東京等處。此次歐亂平和恢復後。各國重要都市。有無線電話通信之設置。可計日而待焉。除無線電話通信成功外。尙有趣味之事實發見。即用有線電話裝置。連結於無線電裝置之方法是。首發明者爲美國電話電信社長伯魯氏。渠由紐育氏自己之事務室。至阿林克頓之電話局。通以電話線。用「比魯鐵斯克」式電話機之送話機。試行通話。不獨「阿林克頓」之無線電話裝置。甚爲感觸。即「滅亞」島及其他同距離之圈內所有之無線電話機。均同時感觸。故與海上船舶之通話。其距離不甚長時。只通以普通之有線電話機。得爲完全之談話。若於不能達之遠距離。則連結於有線電話裝置。亦得通話。其後研究愈精。進步愈速。及上年一月。有以「門脫苦勃影」所建設之試驗塔及「鐵拉烏亞」州之「烏伊林克頓」之小塔。爲空中線之代用。得二百五十哩之通話成功。爾來繼續研究。遂得爲一千哩長距離之通信焉。

此外關於無線電話之事業。實際上得應用至如何範圍。其對於有線電話。生如何之關係。此種問題。目下雖未得精確之解決。然據斯業之專門家言之。無線電話之要。雖對於有線電話。

爲實用上直接之聯絡。然實際之應用範圍甚廣。卽如島嶼遠隔之場所。由無線電話。始保持有線電話之接續。又緊急之際。對於有線電話。無設置之處。亦得供兩地通信之便云云。總之無線電話。擴充現在電話通信之範圍。促進商業上及其他萬般事業之發展。可斷言也。

陸先生應麟傳錄學生雜誌

先生。名鶴。字應麟。以字行。清同治四年。生於江蘇南匯縣之橫河鎮。家貧。幼讀書鄉塾。未三年廢學。業於藥肆。不成。改業席。又不成。惟好作畫讀小說不輟。年二十。始悔失學。復入塾讀書二年。出課徒於鄉里。未幾喪父。貧益甚。至周浦鎮。設塾課徒。而自從學於周浦趙氏塾師閔先生。閔先生器之。且憐其貧。致脩脯。輒返之。令購書。先生乃至上海購理化工藝算術天文醫藥農藝諸譯籍歸。窮日力治之。而尤篤志於化學。收集材料。以供實驗。製鐵酒等藥劑。嚮諸市爲實驗資。趙君楚惟。從閔先生於塾中。爲先生同學。夙相契。常佐先生實驗。且出資購攝影鏡及器械藥品等。與先生共之。先生致力益甚。暇則以工藝農藝諸新法。告諸鄉人。鄉人見其貧不能給饗殮。而所言所行。復奇詭不可解。則以爲駭而揶揄之。同學爲先生憤憤抱不平。勸先生應試。博功名以間執擲揄者之口。先生戲從之。遂補郡庠生。鄉人以是稍稍知先生。信先生言者亦衆矣。光緒戊戌。變法議起。士大夫漸有言新學者。先生之名。乃聞

於時。會江南機器製造局設工藝學堂。延先生爲助教。製造局者。國內最大之兵工製造場。譯西籍頗富。儲機器及工業材料甚多。先生居局中數年。所學益進。自後遂爲學校教師。教授物理化學。若上海王氏育材書塾、湖州潯溪公學、湖州中學、杭州府中學、浙江高等學堂。皆延先生任教職。光緒戊申。任雲南師範學校教師。遵陸入滇。居滇一年。以風土不習。憊甚。辭歸。歸而病作。患痺麻。製藥自療。半年愈。遂居家不復出。鄉人公舉之爲縣議會議員。縣農會副會長。縣教育會議員。歐戰起。輸入工藝品價陡漲。先生招同志集資本。置器械。求原料。從事於化學製造。製原藥數種。輸於日本。日商與訂約承購。既獲利。復事擴充。民國四年冬。爲以脫灼傷左手及右面部。病一月始愈。五年春。在室外隙地製藥。患感冒。續發肋膜炎。是年三月十六日卒於家。年五十有二。亞泉於光緒庚子年。識先生於上海。後數年。先生遭母喪。往弔。造先生之廬。茅茨土壁。與雞豚豚圈相雜。朽舊傾側之板几上。覆以報紙。置最新之儀器。稚子衲褐赤足。奔走類農奴。與之談科學。輒娓娓不倦。且取儀器以證之。亞泉喟然而嘆。以謂人類精神之進化。固非境遇所能阻遏也。吾人所居鄉國。物質境遇。雖不及歐美。而精神可以突過之。亦如是矣。亞泉又於是年識鎮海鍾先生觀光。鍾先生之治化學也。篤志一如先生。近年江浙之間。從事化學工業。及儀器標本製造業者。非鍾先生之同學或同鄉里之人。則先生之同學或同鄉里之人。其關係可以知矣。

先生歿後。其同學及同鄉里者。為之開追悼會於濰河小學校。述其生平事實。告之亞泉。亞泉乃為之傳以勗世之篤志於學。而厄於境遇如先生者。

中國制錢之出口

許家慶

自青島起。至濟南止。在此區域以內。山東鐵路沿線各站。往日常有日本人。將又袋所裝之中國制錢。載入火車。由內地運往青島。住居於此區域內之中國勞動家。終日負大又袋。向各處收買制錢。每逢行人稀少之地方。則制錢之買賣較盛。按照中國法律。售賣制錢者。須處監禁一月之罪。然則日本人破壞中國法律而購此不便攜帶之制錢。果何為哉。蓋自歐戰發生後。銅及錫之價值飛漲。中國制錢所含物質。銅占十分之五。錫占十分之二。五。餘為雜質。日本人熔化中國制錢。提取銅錫二

物。以販賣於他國。藉以牟利也。居住於青島專營是業之日本人。及專為營此業而由日本內地至青島之日本人。共有二千五百餘人。此等日本人。各雇用中國工人。向中國內地收買制錢。有時且互相競爭。甚為激烈。制錢之售價。在山東鐵路車站。每袋一百斤。售日銀二十一圓。山東鐵路之運費。約日銀五角。由青島至神戶之水脚。約日銀一圓。在神戶出售。每袋一百斤。計日銀二十八圓五角。在神戶首先開創此種事業者。為鈴木商會。約計中國全國制錢。共值一萬萬圓之譜。去年之夏。日本人由山東一省所購買者。已有三十萬圓。日本售於俄國之銅塊。其三分之一。係得自中國之制錢。本年錫價。已較去年漲十分之三。近來華人亦有經營此業者。常由青島運至神戶。或其他港口。每一汽船由中國抵日本。至少載有制錢三百噸云。（譯大正五年四月二十三日東京日日新聞）





法

公文程式(教令第二十八號七月二十九日公布)

第一條 凡處理公事之文件。名曰公文。

第二條 公文名類如左。

一 大總統令。 大總統指揮全國時用之。

甲 公布法律。

乙 公布教令。

丙 公布應宣布之國際條約。

丁 公布豫算。

戊 公布特任簡任薦任各官之任免。

以上除概由大總統蓋印、國務總理或會同主管或全體國務員副署外。其公布法律者。須聲明國會議決。其宣布條約者。須聲明國會同意。及批准之年月日。併由大總統署名。

二 國務院令。 國務院有所指揮時用之。

三 各部院令。 各部院有所指揮時用之。

四 任命狀。 任命官吏時用之。

令



甲 特任簡任各官任命狀。由大總統署名蓋印。國務總理或會同主管國務員副署。

乙 薦任官任命狀。由大總統蓋印。國務總理或會同主管國務員副署。

丙 委任官任命狀。由各該官署長官署名蓋印。

五 委任令。 大總統對於官吏、又上官對於屬官有所差委時用之。

六 訓令。 大總統對於官吏、又上官對於屬官有所諭誥時用之。

七 指令。 凡以上對下、因呈請而有所指示時用之。

八 布告。 宣示事實時用之。

以上五六七八各款。凡屬於大總統者。由大總統蓋印。國務總理或會同主管國務員副署。屬於各官署者。由該官署長官署名蓋印。

九 咨。 國會與大總統或國務員、又國務院或各特任官署與各部院、又平行各官署公文往復時用之。

大總統咨國會文。須由大總統蓋印。國務總理副署。

十 咨呈。各特任官署行文國務院時用之。但國務院與之行文仍用咨。

十一 呈。人民對於大總統或各官署、又官署或官吏對於

大總統、又下級官署對於上級官署有所陳報時用之

十二 公函。不相隸屬之各官署公文往復時用之。

十三 批。各官署對於人民陳請事項分別准駁時用之。

第三條 公文必須記明年月日。凡大總統文件。國務總理副署者。由總理記之。各官署文件。由各該長官記之。屬於個人者。由本人記之。

第四條 所有文件。除任命狀外。第二條一二三各款。均應公布於政府公報。其餘願登載者聽。

第五條 各類文件。應分編號數。每年自第一號起至若干號止。公布政府公報。

第六條 本令自公布日施行。(公文式略)

謁見禮(國務院擬訂八月六日奉 大總統批准頒布)

一 特任簡任各職之晉見 大總統。均用謁見禮。

一 謁見員詣 大總統府時。須先向承宣司遞職名柬。柬用大名片。居中直行寫職銜及姓名。背面并寫簡明履歷。由承宣官入啓。俟 大總統臨延見室。再行導入。

一 謁見員入延見室。應向 大總統行一鞠躬禮。(法國大總統

之見各國務員、均行握手禮、應否做行、候 大總統親裁、)

大總統延坐詢答畢。謁見員興辭。行一鞠躬禮。退出。

一 謁見均用常禮服。但初次晉見者。須著燕尾服。曾得勳章者。并佩帶勳章。

一 大總統傳見及因公請見或介紹請見者。均用謁見禮。

一 薦任職以下。除 大總統傳見者外。均無庸謁見。

一 滿王公世爵及蒙回藏汗王公等之晉見者。均用謁見禮。

一 凡謁見員預請示期、或臨時請期。經 大總統定期、或改期、或派代見、或免謁見。承宣司均應隨時通知謁見員。

職官任免令

准交通次長麥信堅蒙藏院編纂恆鈞察哈爾都統署參謀長兼軍務處處長何元春交通部秘書柴壽宸免職(七月二十一日)

任命王黻煒為交通次長克希克圖為蒙藏院編纂胡翊儒為察哈爾都統署參謀長兼軍務處長沈奎藍寅為海軍部副官哈漢儀為科長

(同上)

准參謀次長唐在禮免職(七月二十二日)

任命蔣作賓為參謀次長(同上)

特任王占元暫兼署理湖北省長任命林樹藩署理湖南衡陽道道尹王璟芳為山東財政廳廳長(七月二十四日)

准財政次長兼鹽務署長稽核總所總辦張弧山東財政廳廳長楊壽枏免職(同上)

特任劉人熙暫兼代湖南省長任命望雲亭爲零陵鎮守使陳紹祖爲法制局編譯(七月二十五日)

准督辦近畿疏通河道事宜徐世光免職(同上)

任命莫擎宇爲惠潮鎮守使易彥雲爲阿爾泰辦事長官公署總務處處長(七月二十六日)

准署山西政務廳廳長袁炳熙免職(同上)

開復留任綏遠都統潘矩楹原官並銷去褫職處分(同上)

任命殷汝驪署財政次長高士儻爲吉林督軍公署參謀長王玉珍爲上校參謀(七月二十七日)

准吉林督軍公署參謀長張恕免職(同上)

特任李根源爲陝西省長未到任以前仍由陳樹藩兼署任命徐沅爲山西政務廳廳長徐之榮爲山西冀寧道道尹趙錡陳文翰爲福建省會警察廳警正方鍾元試署警正楊芳春高松年張慶祺賈雲青張繼禮張際明蔣朝貴試署綏遠警察廳警正俞家驥爲山西陽曲縣知事葛尙德爲榆次縣知事趙延桐爲離石縣知事戴書銘爲晉城縣知事趙振鴻爲太谷縣知事馮延鑄爲平定縣知事鄒寬爲中陽縣知事甘聯超爲屯留縣知事孫迪光爲長子縣知事尹榮修爲孟縣知事張孝恮爲潞城縣知事吳永治爲徐溝縣知事陳士凱爲襄垣縣知事張鳳彩爲永濟縣知事彭贊璜爲河津縣知事韓壽椿爲夏縣知事張文翰爲趙城縣知事余寶滋爲聞喜縣知事屠仁彬爲虞鄉縣知事鍾仁壽爲絳縣知事柳鴻謨爲天鎮縣知事黃廷光爲芮城縣知事李丕基爲浮山縣知事余培森爲朔縣知事趙延桂爲靜樂縣知事童慶麟爲大

同縣知事祝鋆爲應縣知事陳廣虞爲定襄縣知事呼延庚爲安邑縣知事劉國良爲霍縣知事周廣壽爲遼縣知事蔡光輝試署洪洞縣知事李廣濂試署陽城縣知事李世祐試署興縣知事鄭裕孚試署和順縣知事胡宗虞試署臨縣知事莊鼎元試署黎城縣知事李廷英試署長治縣知事李耀廷試署高平縣知事曹聯鵬試署介休縣知事孫免崙試署翼城縣知事董清嘯試署萬泉縣知事王恩榮試署吉縣知事任祖瀾試署垣曲縣知事陳寅試署平陸縣知事陳元棟試署隰縣知事賈治邦試署臨汾縣知事彭承祖試署汾西縣知事黃庭槐試署懷仁縣知事秦冠三試署靈邱縣知事劉寶廉試署神池縣知事丁承武試署陽高縣知事盧重慶試署代縣知事(七月二十九日)

准山西財政廳廳長李祖年免職令江漢關監督兼外交部特派湖北交涉員丁士源開缺另候任用准農商次長李國珍農商部秘書江天鐸朱兆莘免職(七月二十日)

任命朱善元爲山西財政廳廳長吳仲賢爲江漢關監督兼外交部特派交涉員章炳榮爲陸軍第一師參謀長黃德本爲陸軍第五師參謀長(同上)

特任畢桂芳爲黑龍江督軍張國淦爲黑龍江省長任命張新吾暫行兼代農商次長(七月三十一日)

特任谷鍾秀爲農商總長任命劉玉珂爲江西督軍公署中校參謀張繼爲陸軍第三混成旅參謀長(八月一日)

准法制局僉事夏同龢免職(同上)

任命陸軍第五師師長張樹元幫辦山東軍務曾鼎基爲陸軍第五師

二等參謀官(八月二日)

准湖南督軍兼署省長陳宦江蘇崑山縣知事何壽朋免職(八月三日)

特任譚延闓爲湖南省長兼署督軍(同上)

准駐紮庫倫辦事大員都護使陳籙署教育次長吳閔生內務部參事金鼎勳免職(八月四日)

特任陳文運爲都護使充駐紮庫倫辦事大員任命謝遠涵爲內務次長袁希濤爲教育次長(同上)

准奉天遼陽地方審判廳長辛漢免職(八月五日)

任命高崇祐試署察哈爾張北縣知事黃凌雲試署獨石縣知事王鳳英試署多倫縣知事高蘊杰試署興和縣知事王內華試署涼城縣知事(同上)

事(同上)

任命趙世總爲法制局僉事殷松年劉榮笏爲農商部秘書(八月六日)

准代理平政院書記官張則川免職(同上)

准重慶鎮守使王陵基浙江財政廳廳長吳鈞免職(八月七日)

任命熊克武爲重慶鎮守使莫永貞署浙江財政廳廳長(同上)

任命謝遠涵兼督辦京都市政事宜向榮署理湖南湘江道道尹王章

祐蔣維喬易克臬爲教育部秘書(八月八日)

准農商部秘書楊熊祥教育部僉事王嘉渠視學汪榮寶編審員羅悖

晏貴州銅仁縣知事桂福免職(同上)

任命戴戡會辦四川軍務特任劉顯世暫行兼署貴州省長(八月九日)

日)

任命鄒憲署理四川財政廳廳長沈步洲爲教育部司長戴克讓試署教育部僉事馬振理爲交通部僉事李國圻爲海軍部視察韓新文趙

桂馨試署黑龍江省會警察廳警正石佳華爲陸軍第十三師參謀長

王永壽爲陸軍第二十師參謀長任居建爲山東督軍公署上校參謀

徐克恆馬登瀛成維靖爲山東督軍公署中校參謀高延文爲山東督

軍公署少校參謀蘇偉署察哈爾都統公署中校參謀洪勳爲察哈爾

都統公署少校參謀(八月十日)

准黑龍江省會警察廳警正章斌郎官普山東督軍公署上校參謀丁

惟沛察哈爾都統公署中校參謀周連康少校參謀王龍章免職(同

上)

特派薩鎮冰爲粵閩巡閱使特任畢桂芳兼署黑龍江省長任命党仲

昭爲陝北鎮守使派李日垓督辦雲貴礦務(八月十一日)

准黑龍江省長張國淦免職(同上)

准江蘇高等審判廳推事王序賓江蘇審判廳書記官長王世裕署福

建高等審判廳推事徐炳成免職(八月十二日)

令川邊鎮守使劉銳恆開缺來京另候任用(八月十三日)

任命殷承瓚爲川邊鎮守使(同上)

任命修承浩爲四川川東道道尹趙又新署理永寧道道尹張瀾署理

川北道道尹由雲龍署理雲南鹽運使(八月十四日)



中國大事記



民國五年七月十八日

●湖南軍隊互戰……湖南護國軍總司令程潛。與第三師師長陶忠洵。因意見衝突。連日在長沙互相激戰。經湘督劉人熙派軍前往。飭令停戰。

同 二十日

●湖南省議會開臨時會……湖南自都督湯薌銘離省後。由代理都督曾繼梧召集省議會。於本日正式開會。議決作為臨時會。

同 二十一日

●任命王黻煒為交通次長……原任麥信堅因病呈准免職。

同 二十二日

●任命蔣作賓為參謀次長……原任唐在禮因病呈准免職。

同 二十四日

●特任王占元暫兼署理湖北省長……原任范守佑病故。

●准財政次長兼鹽務署長稽核總所總辦張弧免職

●蒙匪攻陷奉天突泉縣旋即克復……蒙匪巴布扎布。自稱宗社黨首領。率衆內犯。勢頗猖獗。本日。攻陷奉天突泉縣。經洮南鎮守使吳俊陞率軍進攻。遂於二十六日克復。

同 二十五日

●特任劉人熙暫兼代湖南省長

●准督辦近畿疏通河道事宜徐世光免職

●湖北武穴匪亂……武穴為湖北巨鎮。屬廣濟縣。本日。有匪徒數十人。乘輪到鎮。猛攻駐紮該地之軍營。並搶掠電報局、稅關徵收局、警察署、及商店居民。經軍警協力擊散。並捕獲匪徒十餘人。

●重慶彈藥庫炸裂……四川重慶鎮守使署彈藥庫。於民國三年。存有英國兵輪所卸之炮彈。因溫度失調。藥質變性。本日晚間突然炸裂。釀成火警。幸即撲滅。

同 二十七日

●任命殷汝驪署財政次長

●安徽水災令財政部撥款放賑……皖省自六月二十一日起。陰雨兼旬。山洪暴發。濱淮各縣。如霍邱、潁上、壽縣、鳳台、懷遠、鳳陽、五河、盱眙等處。河堤漫溢。秋禾盡淹。廬舍莫保。為四五十年來未有之奇災。當由安徽督軍張勳省長倪嗣冲。將被災尤重地方。散放急賑。並電呈大總統。奉令。由財政部撥款四萬圓。並由本大總統捐洋一萬圓。即日匯皖交該督軍省長遴委委員。趕放急賑。

●湖南各縣擾亂……湖南獨立時。有殷子路吳亞平等。曾在臨湘縣用護國軍名義。招兵一團。近因呈請省中編為正式陸軍。未蒙照准。遂於本日率兵至鄰邑平江縣城。襲擊駐防軍隊。佔領縣城公署。又華容桑植兩縣。先後亦為土匪所陷。均經省中派兵往勦。華容匪首劉應喜。業已捕獲正法。

同 二十八日

●廢止學績試驗條例及施行細則

同 二十九日

●特任李根源為陝西省長……未到任以前。仍由陳樹藩兼署。

●公布公文程式……大總統制定公布(程式見法令門)

●四川督軍蔡鍔到任……四川自陳宦退出成都周駿入據後。督軍蔡鍔。因病請假。經中央特任羅佩金護理督軍。羅佩金率軍

前進。周駿遂於二十日退出成都。蔡鍔亦由瀘州起程。於本日抵任。力疾視事。旋復請假赴滬調理。

同 三十日

●湖北漢口暴動……湖北漢口租界之暴徒。糾集二三千人。於本日夜間潛入內地。在華景街四處縱火搶掠。並分途攻擊鎮守使署巡緝營警察第六第七區署。漢陽兵工廠藥廠及水上警察廳。亦同時被攻。經軍警協力抵禦。並由省派軍援勦。捕殺數百餘人。

●山西豐鎮兵變……駐山西豐鎮縣直隸巡防步兵第十營左哨。於本日夜間全體譁變。肆行搶劫。至天明始各鼠散。

●日本派遣軍艦來粵……日本藉口廣東紛擾。由本國派軍艦來粵。經外交部向駐京日使提出抗議。

同 三十一日

●任命張新吾暫行兼代農商次長……原任李國珍因仍就國會議員呈准免職。

●特任畢桂芳為黑龍江督軍張國淦為黑龍江省長

八月 一日

●國會開會……本日本在眾議院行開會式。兩院議員到者五百九十九人。大總統偕國務員到會致祝詞。並由大總統補行就任時宣誓。國會自二年停頓後。至是乃續行召集。故稱為第二次常會。

●特任谷鍾秀為農商總長

同 二日

●令司法總長張耀曾未到任以前該部部務暫由次長江庸代理
●任命陸軍第五師師長張樹元幫辦山東軍務

同 三日

●特任譚延闓爲湖南省長兼署督軍……原任湖南督軍兼署省長陳宦呈准免職。

●江蘇揚州十二圩兵變……兩淮緝私營駐揚州十二圩兵隊。因反對遣散。於本日全體譁變。經揚州派兵彈壓。並加給恩餉。始繳械遣散。

同 四日

●特任陳文運爲都護使充駐紮庫倫辦事大員……原任陳籛因病呈准免職。

●任命謝遠涵爲內務次長袁希濤爲教育次長……署教育次長吳闓生呈准免職。

同 六日

●廢止覲見條例及覲見禮

●國務總理呈准擬訂謁見禮……國務會議前經議決停止覲見。另訂謁見辦法。當由法制銓敘兩局會同擬具謁見禮。經國務總理呈請大總統批准。（謁見禮見法令門）

●陸軍部派兵入湖南岳州……陸軍部派吳光新率兵兩混成旅赴湘。於本日抵岳州。經湖南督軍電請撤退未准。

●山東兵禍……山東濰縣安邱諸城高密等縣民軍。與該省軍隊屢起衝突。互相攻擊。本日。濰縣民軍又佔據距濰縣十里之王台鎮。

同 七日

●駐京俄使向外交部要求取消外蒙古議員……駐京俄使。於本日至外交部聲稱。照中俄蒙約。外蒙古爲自治區域。中國無權直接干預外蒙古政事。故外蒙古不能選派代表議員至國會。中政府應將該區國會議員取消。旋經外交部駁覆謂照該約第二條之規定。外蒙古既訂明仍爲中國領土之一部分。則選出議員。列入國會。爲當然之體制云。

●湖北各縣匪亂……鄂屬各縣匪勢甚熾。本日宣恩縣城爲匪所陷。攻署劫獄。縱火搶劫。損失頗鉅。又監利縣城。亦被匪攻破。官署商店均遭焚劫。

同 八日

●交通部呈准裁撤電政管理局……交通部自民國二年裁撤電政局後。分全國爲十三區。按區設立電政管理局。現總長許世英爲節省經費起見。呈請將十三區管理局一律撤銷。以管理權限監督職務委諸一等電報局兼辦。奉批照准。

●上海發現大宗私土案……上海英租界捕房。據洋藥公所報告。稱有雲南來滬官員。私帶大宗煙土。因於本日至雲南到滬官員之旅舍中搜查。當在唐繼禹副官孫世奇房內。搜出煙土四箱。次

日又協同淞滬警察廳。在華界開北道尹公署近旁空屋內。搜出煙土二十箱。均被運入捕房。並將孫世奇、王九齡、王鐵山、及雲南派赴北京之軍政代表葉全、陳鈞、暨在滬代為寄存煙土之李徵五等。拘人會審公廨。經會審公廨判決葉全陳鈞無罪。餘人分別監禁罰金。煙土送海關銷燬。

同 九日

●任命戴戡會辦四川軍務

●特任劉顯世暫行兼署貴州省長

同 十一日

●令滇粵軍隊停止戰鬪……滇粵軍自在韶關啓釁以後。屢次接戰。滇桂軍隊。連佔江門佛山順德新會等處。現已逼近省垣。戰爭甚劇。本日奉大總統令。迭據各方報告。廣東紛擾。禍猶未已。生靈塗炭。外人復有煩言。長此遷延。靡知所屆。龍濟光未交卸以前。責任在守土。自應約束將士。保衛治安。李烈鈞統率士卒。責有攸歸。著即嚴勒所部。即日停兵。該省督軍陸榮廷、省長朱慶瀾。現已赴任。龍濟光應將各項事宜。妥速預備交代。此後如再有抗令開釁情事。定當嚴行申討。以肅國紀。此令。

●特派薩鎮冰為粵閩巡閱使……同日奉令。粵事不靖。沙面等處。僑商雲集。著薩鎮冰選調兵艦加意保護。併著駛赴粵閩海面。認真查辦。此令。

●特任畢桂芳兼署黑龍江省長……原任張國淦免職。

●派李日垓督辦雲貴礦務

同 十二日

●江蘇水災……蘇省江北連河一帶。水勢盛漲。堤工出險。高郵、寶應、興化、鹽城、東台等縣。被災頗重。

●蒙匪猖獗……蒙匪巴布扎布。聯合馬賊盧占魁。率衆渡黃河。進窺包頭、五原。又洮安、開通、雙山、遼源、懷德、梨樹、奉化一帶。均有匪跡。勢甚猖獗。

同 十三日

●湖南澧州兵禍……湖南澧州鎮守使王正雅。與大庸民軍總司令羅劍仇衝突。互相戰爭。當由省中派員前往阻止。始各停戰。

同 十四日

●令各省省議會應於十月一日由各省行政長官依法召集

●奉天中日軍隊衝突……奉天遼源縣鄭家屯。駐有日軍。本日因細故與我國駐遼二十八師兵士衝突。日兵突然開槍。我兵還擊。互有死傷。日軍即派大隊到遼。由縣知事靖兆鳳偕商會總董赴日營協商。竟被扣留。當由奉天督軍張作霖致電日本關東都督道歉。並由外交部與駐京日使交涉。雙方派員前往調查。縣知事旋經日軍釋回。

同 十五日

●交通部改變官制……交通部官制。凡經三易。近來係分路政、

路工、郵傳、總核鐵路會計、郵傳會計等六司。現部長許世英。以此項分司。不適於四政兼顧之情。處理事務。復多窒礙。擬照民國元年參議院議決案。仍分路政電政郵政航政四司。經提出國務會議議決。於本日實行改組。

●海軍駐滬臨時總司令部撤銷……軍務院撤銷時。海軍獨立總司令李鼎新。曾會同各撫軍宣告歸隸中央。當經政府特派海軍上將薩鎮冰赴滬接洽。現已辦理完妥。所有艦隊。仍交由各司令管理。直接聽候中央調遣。駐滬海軍臨時總司令部。即日撤銷。

●四川省議會臨時會開會

同 十六日

●江蘇鎮江鄉民焚燬外國商輪交涉……蘇屬江都丹徒交界之橋頭市地方。近因水漲堤危。該處有商輪往來。鄉民恐船駛水激。易致坍塌。通告各商輪停駛。日商戴生昌永和兩公司。因不允停駛。觸鄉民之怒。致被聚眾燒燬拖船兩艘。當由日本領事向江蘇交涉員交涉。

同 十七日

●李烈鈞通電離粵……李烈鈞自率軍入粵。疊與粵省兵隊開戰。本日。李通電各處。稱已解兵離粵。

同 十八日

●湖南護國軍總司令程潛取消司令部……程潛於湖南都督湯壽潛離湘後。組織湖南護國軍總司令部。現因大局已定。於本日本自行取消。

●湖北火藥庫炸裂……湖北武昌城外南湖地方。向建有火藥庫八所。本日晚間。第八火藥庫所貯火藥。因變性炸發。轟斃守兵九名。傷員兵十餘名。

同 十九日

●令軍民兩署劃清陸防軍隊管轄權限……令曰。陸防軍隊。向由軍民兩署分別管轄。軍興以來。不無變更。此後應仍劃清權限。陸軍歸督軍轄。警備巡防各營隊。歸省長管轄。以專責成而資整頓。此令。

●令延長京師區域內權度舊器行用期限……令曰。農商部呈京師區域內權度舊器行用期限。現屆期滿。擬請延長四個月。至本年十二月三十一日止。自民國六年一月一日起。改用新器。自應暫行照准。仍著該部趕製新器。以便行用。此令

●新任駐京日使呈遞國書……駐京日使日置益。卸任歸國。日本政府新任林毅陸為駐京公使。於本日謁見大總統。呈遞國書。

外國大事記

民國五年七月十一日

●美國政府查明德艇之性質……本月九日行抵美國之德國潛行艇特壹區蘭德號。因英法大使要求查驗內容。經美國當局查明其性質。由大藏省通告國務院云。該艇實係無武裝之運貨船。苟非於構造上大施變化。必不能改爲攻擊用。

●俄軍在小亞細亞獲勝……在小亞細亞之俄軍本日奪回麥麥哈檀。

●德船被捕……德國汽船黎薩蓬及華爾摩斯。在波羅的海爲俄艦捕獲。

同 十二日

●美國銀行團借款與法國政府……美國新組織之銀行團。允借美金一萬萬圓與法國。其契約業已成立。法國以中立諸國之公債蘇彝士運河公司之股票及美國各公司之股票爲抵押。

●英政府贊成經濟會議之決議……英國首相愛斯葵士。在英國下議院發表政府贊成巴黎經濟會議之決議。

●英軍占領德軍第一線……英軍在法國經十晝夜繼續戰鬥之後。於本日占領德軍第一防禦線全部。捕獲德軍七千餘人。

●俄軍在高加索失敗……在高加索方面之土耳其軍猛攻俄軍之

兩翼。俄軍因此退却四十俄里。

同 十三日

●英法大使向美政府提出抗議……駐美英法大使向美國國務院提出抗議。謂德國潛艇特壹區蘭德號。雖當作商船用。實係軍艦云云。

●俄軍招用中國人及朝鮮人……俄國政府特准俄軍司令官。在明斯克地方。使用華人及韓人。

●西班牙施行戒嚴令……西班牙政府因勞動家同盟罷工。布告全國戒嚴令。

同 十四日

●英軍突破德軍第二線……在法國之英軍。於本日未明時。在松摩北面。亘四里長之戰線。突破德軍第二線。占領堅固之築壘陣地數處。

●日本國家之論功行賞……日本政府於本日將青島戰爭、即位大典、日俄協約、對付中國交涉、有功者。授與爵位如左。

大隈重信(原係伯爵)升授侯爵長 谷川好道(原係子爵)升授伯爵 加藤高明(原係男爵)升授子爵 本野一郎(原係男爵)升授子爵 石井菊次郎(原係男爵)升授子爵 神尾光臣授男爵 島村速雄授男爵 八代六郎授男爵 加藤定吉授男爵

●美國政府判決德艇之性質……美國國務院。於本日判決。德國潛行艇特壹區蘭德號確係商船。但聲明將來各種事件。並不以此為先例。

同 十五日

●英軍突破德軍第三線……本日在法國之英軍。於鮑奇安爾方面及德軍第二戰線之幾爾門扇形陣地。終日猛攻德軍。遂占領森林兩處。並在白任丁力格蘭特之北方。突破德軍之第三線。
●俄軍占領土軍陣地……本日俄軍占領小亞細亞之排勃爾德。在埃爾斯倫西北六十五英里。土軍之重要陣地也。

●奧國參謀總長免職……奧國參謀總長霍曾道夫大將於本日免職。

●聯合國會商財政問題……英國財政大臣。及俄法意三國財政大臣。英法兩國軍需大臣。俄國參謀總長班拉伊安夫將軍等。於昨日及本日。會商數次。審議財政問題。決議凡聯合各國之供給及財政。概取共同主義。以圖聯合各國之共同利益為目的。英國財務總監麥金農胡德及英國大法官芬蘭銀行總裁等。皆參與是會。

●醫學界偉人默知尼哥夫逝世……默氏 *Mitchnikoff* 為俄國卡爾哥夫州人。本年七十二歲。本日在巴黎病故。氏為現代研究微生物學之大家。生平著作極富。曾唱反毒素之學說。於軍事衛生上頗著功績。以是軍界中人咸痛惜之。

同 十六日

●俄軍行抵法境……俄軍六十部隊特由俄國派往法國。助英法軍攻擊德軍者。本日在法國西海岸孚利斯德上陸。

同 十七日

●俄軍為德軍擊退……俄軍在里加方面攻擊與登保將軍部下之德軍。為德軍擊退。該處俄軍戰線。已退至黎巴河北岸。
●愛爾蘭問題從緩解決……英國首相愛斯葵士在下院宣言曰。愛爾蘭自治修正案。當於議會閉會之前提出。至愛爾蘭問題之永久的解決法。當於戰後開帝國會議時討論之。

●俄運船被土艇擊沈……俄國運送船四艘。在黑海被土耳其潛艇擊沈。

同 十八日

●俄軍侵入匈牙利……俄軍越喀爾巴阡山脈。侵入匈牙利。以脅德奧聯軍。

●法總統歡迎英議員……英國領土及殖民地之代議士三十三人昨日行抵巴黎。本晨。法國總統樸蔭開雷在藹藜斯宮設宴款待之。備極懇摯。席間互讚兩國兵士之勇敢。互述謝詞。盡歡而散。

同 十九日

●英法兩軍之勝利……英軍於本日奪還被德軍占據之隆奇拔耳及特耳維爾森林。更向北方進攻。同日法軍奪取德軍從巴盧至沙亞安古爾間之第一道塹壕全部。從此松河南方之法軍戰線。得成一直線矣。

●美英之交涉……英國發布禁令。不許商家與其敵國通商貿易。其實施範圍涉及美國之公司及商店。美國政府大不為然。本日由美國國務卿向英國駐美大使交涉。要求說明理由。變更禁令。

同 二十日

●美國可決海軍擴張案……本日美國上議院可決三年計畫海軍擴張案。依據是案。須即行建造無畏式戰艦四艘。戰艦巡洋艦四艘。其所需經費。須於明年支出者。為三萬萬一千五百八十萬圓美金。

●美墨之交涉……墨西哥政府向美國政府提議。由美墨兩國各派代表。組織委員會。解決美墨邊界之爭端。美國國務院正在審議。尚未回答。

●日本前任陸軍大臣岡市之助逝世

同 二十一日

●俄軍獲勝……在里加方面之俄軍。於本日占領德軍塹壕二道。又在里加南方。突入德軍第一線。

同 二十二日

●英國又支出軍費……本日英國正式發表提出四萬萬五千萬鎊之追加豫算案。作為軍費之用。現在英國軍費。每日需六百萬鎊云。

●俄國農部大臣辭職……俄國農部大臣那吳木夫辭職。內務次長哇濮林斯基伯爵被任為農部大臣。

●俄瑞鐵路協約成立……俄瑞鐵路協約。本日由俄國外務大臣薩紹諾甫與瑞典駐俄大使布林特斯德列姆雙方議定。決議於列得爾拿河建築鐵橋。以便交通。

●英國組織軍事參議會……以陸軍大臣路德喬琦為議長。大皮卿為副議長。陸盤得生將軍、穀黃士將軍、麥克列基將軍、亨大生將軍、馮駝那布將軍、洛巴德維干姆將軍、及陸軍部財務書記官漢豆森、為議員。

同 二十三日

●俄國外務大臣辭職……俄國外務大臣薩紹諾甫。因健康不良辭職。外務大臣一缺。由首相秀得烏爾美耳氏兼任。司法兼內務大臣福斯夫氏。奉命專任內務大臣。另任麥加洛夫氏為司法大臣。

同 二十四日

●俄土海戰……本日土耳其巡洋艦米維利號。在勒斯勞。在黑海與俄國艦隊交戰。

同 二十五日

●美國收買西印度諸島……西印度諸島中之聖湯麥司、聖克魯士、聖約翰三島。在波德黎各 Puerto Rico 之南。係丹麥國屬地。美國政府擬以美金二千五百萬圓收買之。兩國當局均已同意決定。

●英軍獲勝……在法境之英軍。率領澳洲兵。猛戰三日。獲全勝。於本日占領鮑奇安爾村。

●俄軍占領土耳其要塞……土耳其領土中央亞美尼亞之愛耳近千要塞。於本日爲俄軍占領。

●德國建造大號潛水艇……德國兩主要海軍團。正在建造五千噸之潛水艇各若干艘。其水上速度每小時行二十六海里。水中速度每小時行十六海里。有放魚雷管三十個。可儲沈沒水雷一百五十枚。艇身長四百英尺。馬力一萬八千匹。繼續航海力自一萬八千海里。至二萬海里。能由波羅的海駛至日本。中途不需燃料之補給。

●英國外務大臣辭伯爵……英國外務大臣葛雷。由英王授以伯爵。固辭不受。願自居子爵。英王准之。

同 二十六日

●德國潛艇由美回國……德國潛水艇特壹區蘭德號。本日由美國白爾帝慕亞港出發。駛回德國。

●俄國開御前會議……俄國閣員全體。在俄國大本營中。開御前會議。討論軍用糧食問題。對於波蘭人之新法令。及對外政策等。

●德國潛水艇又到美國……本日下午九時。德國潛水艇婆利萌號通過美國聖齊克海面。

同 二十七日

●英德之海戰……本日。有德國潛水艇數艘。在蘇格蘭海面與英國巡邏船交戰。英船四艘被潛艇擊沈。

●美英之交涉……本日美國政府電致英國政府。對於英國以對

敵貿易禁止令禁止美國商店之對外貿易之舉。提出抗議。謂其侵害中立國之權利。

●美墨之交涉……美國政府答復墨西哥臨時總統喀浪石。允派代表。解決美墨邊界之爭端。

●日俄協約附帶條件之決定……日俄協約之附帶條件。即俄國將東清鐵路南部支路之一部讓與日本。許日人有松花江航業權之問題。其大綱細目。皆於本日決定。

同 二十八日

●俄軍占領奧地……俄軍在奧國加里西亞獲勝。占領勃洛提地方。(在蘭堡東六十英里)

●塞保兩軍在希臘境內交戰……塞爾維亞軍。擊退希臘境內之保加利亞軍。直追至復特那地方。

●德國潛艇被捕……自稱爲商船之德國潛艇婆利萌號。本日晨被英國某巡洋艦曳入坎拿大之新蘇格蘭之哈利法克斯港。

同 二十九日

●美英之交涉……英國政府答復美國政府云。英國之對敵貿易禁止令。專適用於認爲有協助德國之性質曾經登記於簿冊之商館。並不偏及美國所有之商店。

●德國飛機襲擊英國沿岸……自昨日夜半至本日上午一時半。有德國徐伯林飛機三艘。至英國東海岸林哥倫西亞、拿復克等處投擲炸彈。

同 三十日

●美國軍械廠之炸裂……美國紐折爾西州勃拉克冬噴寧蘇辣地方。有滿載預備運往聯合國之軍需品之貨車多輛。忽然炸裂。極猛烈之聲響繼續兩響。較小之炸裂繼續三十響。其損害約值美金二千五百萬圓。同時乃與奈爾斯托烈其會社。全部破壞。其損害約值美金七百萬圓。死者五十人。傷者甚衆。其附近梳泊之小船若干艘。皆滿裝軍需品者。亦同時炸燬。其損害約值美金一百萬圓。肇事地方周圍十二英里以內所有房屋之門窗玻璃。皆完全破壞。炸裂之聲遠達於本西爾佛尼亞 特羅尼亞 康納的克諸州。其原因未詳。

同 三十一日

●德國飛艇襲擊倫敦……本日夜間德軍徐伯林飛艇襲擊倫敦市街。

●美國討論移民法案之延期……美國上議院民主黨議員。本日專為移民法案開談話會。委員長開綸氏意欲將本案展期至本年十二月討論。各委員全體贊成。

●墨西哥總統之退位……現任墨西哥臨時總統喀浪石將辭大總統職。以戈柴爾得氏為其後任。

八月 一日

●英法兩軍之勝利……在法境之英軍。於馬利果爾及克羅里之間。占領德軍塹壕。法軍在海姆 莫納克間。占領德軍之築城工事。及登斯果爾地方之塹壕。

同 二日

●日本之大火災……日本北海道函館區。本日午後大火。延燒一千八百戶之多。損失甚鉅。

●德國飛艇襲擊英國沿岸……本日夜間。有德國飛艇數艘。至英國東部諸州拋擲炸彈。

●美國總統發表對於女子參政權之意見……美國總統威爾遜氏本日對於女子參政權問題。發表意見。認承女子對於州之政治有參政權。不承認女子對於中央政府之政治有參政權。

同 三日

●德國要人謁見羅王……德國重要人物褒洛公爵。於本日行抵羅馬尼亞京城不加勒斯多。謁見羅馬尼亞王飛蝶南。或謂公爵此行。恐羅馬尼亞助俄軍方面。故前往游說。以冀挽回也。

●德國任命東部戰場總司令……德國政府任命興登保將軍為歐洲東部戰地德奧全軍總司令官。

●英國掃海艇之擊沈……英國補助水雷掃海艇克洛克冬號。本日本在路文得被德國魚雷艇擊沈。

●法軍之獲勝……法軍於本日占領菲劉利村之德軍陣地。

●法船被德艇擊沈……法國汽船力丁不六號在地中海被德國潛艇擊沈。

●奧艦被意艇擊沈……意國潛水艇在亞得里亞海擊沈奧國驅逐艦一艘。

●美國收買西印度諸島契約之簽字……丹麥屬地西印度諸島中之聖湯麥斯 聖克魯士 聖約翰三島以美金二千五百萬圓售於

美國政府之契約。於本日簽字捺印。

同 四日

●羅保之交涉……保加利亞兵忽侵入羅馬尼亞邊界維國軍略上之地點及羅境侗布洛迦地方。兩國因此突啓爭端。羅國特開內閣會議。討論對付之策。並擬永遠置巡哨兵於邊界。以防保軍之侵入。

●意國發布對敵貿易禁止令……意國政府本日發布對敵貿易禁止令。禁止本國人民與敵國貿易。

●土軍攻擊蘇彝士附近英軍……在蘇彝士附近洛麥尼之英軍陣地。爲土軍所攻擊。旋泊米那灣之英艦擊退之。

同 五日

●英王通電聯合諸國之元首……英王本日電致聯合諸國元首。其詞曰。朕際此大戰二週之期。欲謹告於陛下者。即決計與諸聯合國協力續戰至貫徹開戰時之目的而後已。朕誓必不使我勇敢之軍隊所已犧牲者徒勞而無功。且完全保證戰爭之自由。朕信陛下同有此決心。

●美國陸軍擴張經費之決定……美國上下兩院協議會議決陸軍擴張經費爲二萬萬六千七百五十九萬美金。

●羅保之交涉……羅馬尼亞外務大臣。爲保加利亞兵侵入羅國邊界事。特向保加利亞政府提出通牒。促保政府注意。

同 六日

●英國任命愛爾蘭總督……前任愛爾蘭總督維姆蓬卿。再被任

命爲愛爾蘭總督。

同 七日

●俄奧之戰爭……在奧國第聶斯特爾河南方之俄軍。攻破巨十五英里之前線德軍。又占領得爾麥的地方及第聶斯特爾河東方一帶之丘陵。同日奧軍對於蘭堡市民下退出該市之命令。

●意軍之獲勝……意大利軍。本日占領哥里齊亞橋頭堡。捕獲俘虜八千人。意大利砲兵。又在亞地俱及依松茶河上流獲勝。捕獲大砲三門。機關砲數門。槍彈無算。及俘虜三千六百人。

●意奧之海戰……奧國艦隊襲擊意國穆魯泰港後。折回本國之際。遭遇意國艦隊之邀擊。意國艦隊略受損害而歸。奧國艦隊無恙。

●土耳其內閣瓦解……原因未詳。

●英國運動葡萄牙加入戰局……本日葡萄牙議會發表云。英國願借公債與葡萄牙。請葡萄牙參加戰局。業經英葡兩國政府協議定奪。

同 八日

●葡國決議參加戰爭……葡萄牙臨時議會。決議允諾英國之要求。參加歐洲戰爭。

●美國贊成墨西哥之提議……墨西哥臨時總統喀浪石。請美國派代表三人。與墨西哥所派代表三人協議美墨邊界交涉各案。美國總統威爾遜已表同意。

●俄軍之獲勝……奧國加里西亞之斯米安尼泰及其附近一帶

高地。悉爲俄軍所占領。

●英國教育院總裁辭職……英國教育院總裁亨大生。因業務冗忙。不能盡力於教育事業。故於本日辭職。

同 九日

●意軍占領奧地……奧國之額立德地方及濮斯的尼地方。爲意大利軍所占領。

●英俄波協約之成立……英國俄國及波斯三國。新訂關於波斯之軍隊及經濟組織之協約。此後北部波斯軍隊。歸俄國陸軍將校教練而增大之。南部波斯軍隊。歸英國陸軍將校教練而增大

之。以養成波斯之軍隊勢力。

同 十日

●俄意兩軍之獲勝……俄軍本日占領奧國加里西亞之斯泰尼斯勞地方及克里潑林地方。意大利軍占領奧國特培爾得高原一帶。

●法軍占領巴爾幹要地……希臘塞維尼加北面之突伊蘭地方。及其南方二二七高地。本日爲法軍占領。

●俄國任命土耳其斯坦總督……俄國政府任命北軍司令官苦魯巴金將軍爲土耳其斯坦總督。兼土耳其斯坦軍營司令官。且由俄皇命該總督在其管轄境內布戒嚴令。

